

**TANGRAM SUNDAY SCHOOL  
UNION (TSSU)**



**JUNIOR IRCHULAI  
BU HNINA**

Ziaktu:  
*Rev. Lalhrilthoi Hrangkhoh, B.D.*

***PUBLISHED BY: LITERATURE & PUBLICATION  
BOARD, TANGRAM PRESBYTERY.***

**SEN MINLINA**  
**JISUA KRISTA SINTHO THEITU**

Irchulai	16	Jisuan hlemna a toka hnena a chang	36
Irchulai	17	Jisua'n phaivuapui a hal irngam	38
Irchulai	18	Jisua tui chung a fe thei	40
Irchulai	19	Jisuan tui ûain an changtir	42
Irchulai	20	Jisuan Lazara thi a kai thoi	44

**SEN RINGANA**  
**JISUA KRISTA MI INDAMTU**

Irchulai	21	Jisua'n damloi invûng an dam	46
Irchulai	22	Jisua'n Surophoiniki mi nainu an dam	48
Irchulai	23	Jisua'n Gerasin rama ramirhli ichel an dam	50
Irchulai	24	Jisua'n Kuarsêt, chongtheiloï, an dam	52
Irchulai	25	Jisua'n phâr sôm an dam.	54

**SEN RUKNA**  
**THUTHUNG THAR KOIINDANG**

Irchulai	26	Koiindang omzia le Biblein Koiindang a hril dân		
56	Irchulai	27	Koiindang inding phut dân	58
Irchulai	28	Koiindang mihai innun dân	60	
Irchulai	29	Koiindanga iamtuhai mophurna-Thurchi Sa hril	62	
Irchulai	30	Koiindang upa inthangna	64	

**SEN SARINA**  
**THUTHUNG THARA IAMTU INLARHAI**

Irchulai	31	Paula	66
Irchulai	32	Apolova	69
Irchulai	33	Tita	71

**SEN RIATNA**  
**MISSIONARY LIAN ENTÔN INRUKHAI**

Irchulai	34	Robert Raikes	
73			
Irchulai	35	William Carey	75
Irchulai	36	Alexender Duff	78
Irchulai	37	Mary Slesser	

**TANGRAM SUNDAY SCHOOL**  
**UNION (TSSU)**



**JUNIOR IRCHULAI**  
**BU HNINA**

**Ziaktu:**

*Rev. Lalhrilthoi Hrangkhoh, B.D.*

**PUBLISHED BY: LITERATURE & PUBLICATION**  
**BOARD, TANGRAM PRESBYTERY.**

Published by:  
 The Literature & Publication Board,  
 Tangram Presbytery,  
 Haflong - 788819  
 N.C.Hills, Assam.  
 for The Tangram Sunday School Union (TSSU)

Son hnina (Edition) - 2015  
 Copies -500  
 (All rights reserved)

Printed at-

## A SÛNGA THUHAI

Presbytery Thumahrui		Phêk
iii Ziaktu Thumahrui		
iv		
Nâipang omdân ( <i>Psychology</i> )		v
Sunday School thiltumhai		vi

## SEN KHATNA THUTHUNG LUIA PATHIAN MI IRHMINGSA IRPUTHAI

Irchulai 1	Mosia	Irchulai 2	
	Nehemia		4
Irchulai 3	Davidale Jonathana		7
Irchulai 4	Gideona		9
Irchulai 5	Solomon		12

## SEN HNINA BIBLE-AH NUPANG IAMOMHAI

Irchulai 6	Sari		14
Irchulai 7	Hani		16
Irchulai 8	Estheri		18
Irchulai 9	Naomi		21
Irchulai 10	Ruthi		23

## SEN THUMNA RENG JISUA THURCHI

Irchulai 11	Biak bûka Pathian an hril dân		
25	Irchulai 12	Temple-ah Pathian an biak dân	27
Irchulai 13	Ochaihain Pathian an biak dân		29
Irchulai 14	Thuthung bôm (Pathian Bôm)		31
Irchulai 15	Kristian jinhâ		34

## **SANDE SIKUL THILTUMHAI**

1. *Pathian thu (Bible) irchutir.*
2. *Kristian thurin irchutir.*
3. *Kristian tho hrang le omdân hrang irchutir.*
4. *Pathian biak irchutir.*
5. *Koiindanga mi satak ni hranga siam.*
6. *Pathian inhriatna dik tak nei hranga kaihruai le changpui.*

## **PRESBYTERY THUMAHRUAI**

Tangram Sunday School Union (TSSU) irchulai bu hi kum 2007 ata mani chong (Hrangkhol)-ah siam le hmang theiin a oma, Sunday School-ah Pathian Thu irchûna lama mipuihai ta hrangin masônna sa tak a hong ni. Hi irchulai buhai hih Tangram Presbytery isiam a ni.

Kristian Irchutirna (*Christian Education*)-ah hin Naipang pôl le Puihling pôl (*Children Department le Adult Department*) ei neia, Puihling Department-ah chu kumtin mani chonga Hrilfiana (*Commentary*) buhai siam ngai a ni. Naipang Department-ah irchulâi bu chu kum 2007-ah khan mani chongin irchulâi bu 1-na inson (*edition*) a nia; kha Irchulai bu 1-na kha kum sari (*7 years*) vêl chu hmang a ni ta.

Tangram Presbytery'n Junior irchulâi bu hnina (*bu 2-na*) siam nôk hrangin kum 2013 le kum 2014-ah khan a rela, ei Tangram Presbytery sûnga Pastor-hai hi ziaktu hrangin mophurna a inkothâi a ni. Presbytery', mophurna a ipêk tak angin, hi Junior bu hnina (*bu 2na*) chu Rev. Lalhrilthoi Hrangkhol hin bial enkol pum le Presbytery Executive Secretary sin chel pumin hi lekha bu sa tak a hong siam suak thei tak sikin Presbytery'n ziaktu chung a lom tak a tak a ni.

Lekhabu zia hi olsam taka siam thei ni ngâi maka, takirtaina le tumna tak tak neia, zoro hmang intama, kuluk taka siam ngai a nia; thei dôra eninfel a ni hnung khomin computer machine-ah type a ni sikin, a dâk le spelling châina khom a om duai thei; khasikin, a hmangtuhaiin lei irngai thei hrangin ngên nin nih.

Hi Primary irchulai bu ziaktu Rev.Lalhrilthoi Hrangkhol chung a hin Presbytery hin a lom taka taka, a sinthona hai Pathianin changpuiin, sat vur mai ri se. Hi lekhabu hi Pathianin satvur sianlan, a hmantuhai khom Pathian Irtha Irthiangin hruaihai mai ri seh.

## ZIAKTU THUMA

Hi nâipang Sunday School department Junior bu-(hnina) irziak hranga inkunga ki omna chung a hin asân ki lôma.

Amasa taka hianga irziak theina ni pêktu ei Rêngpa Pathian chu inpâkin om rise.

Khan,hi bu siam hranga hin zoro sôt taka le rêlsai tâk nikhom sian irziaktu tiang hin zoro indit tôk hi hmang thei hrangin intak angin a om sikin a châina hâi spelling thua leh a thu irkolzoi nona leh type inchâina khom om ati ti irziaktu khomin sabeisa ani.Khan khom nisian,hi bu teptu hâi leh irchutirtu hâi khomin a châina hâi chu irziaktu tiang hin rôn puma sinsiam thiai hrangin ngên eini. Khan a thu irziak dân hai khom hi nâipang inhriat thei hrang anga irziak ani sikin,hril inseina viathai khom om ati,ikhomnisian a thu hai chu dik taka irziak ani sikin,hi bu teptu hai leh irchutirtu hai hrang khoma ei iamna tianga khom hin hi thu teptu hai hranga detna hmu ngêt hrangin sakei ani.

Khakhêla,Irchutirtu hai hrang khomin nâipang Psychology TSSU Board haiin a lei isiam hi tepa,irchuna hmangrua hmangsa hrangin irchutirtu murdi hai fialsa ninni.Asan chu mithei leh mithiam haiin nâipang hi an lungril ngâidân hai en puma irchuna pêk hin sin a thothei ual ngâi ti ani sikin,hi bu sênga khom hin a tângpui thu hai khom belse ania,irchutirtu hai hrang khomin changpuitu satak niti ti iam ani.

Hi bu teptu hâi murdi hi Pathian tianga lungril irzal tâk leh ngûi tâk hai khomin hrâtthar nôkna leh inhriatthar nôkna a changa; ama roinpua ani theina hrangin pathainin ei lungril chita sat-nivur mai rise

Khan, kumdang khan changvong kha hi bu sênga hin lei inchuangsa ngâi ania,khannisian kumina bua hin chu irchang tep hrang vai târinlang tir ania,asan chu edit nôk hrang khan zoro ei-nei theitano sikin mâni bible hâi kha ena tep hrangin ei irngênsa anih.

## NÂIPANG OMDÂN (PSYCHOLOGY)

Sunday sikul-a hin Department dang dang a ei izêk nasan a oma, a san chu an mi izir le an kum fe dân en a nanga, Beginner le Primary-hai hih an la ir-ang dêna, Intermediate le Senior khom ar ang dêna, Junior hi irchu theiin chu fel tak le hoi zoro tak a ni sikin.

An taksa nuam dân hin an lungril an irzuka, hi Junior-hai hih nâipang nihai khomsian, taksa tiang hin a thei irti hi an nuam ngaia. Itinrêng, a hril nêkin a thoa tho an nuam zoro a hong ni thiai ngaia. Khasikin, insung tiang mo, sunday sikul tiang mo, tho hrang pêkhai hih thil sa le poimo lâi tak a ni.

An irngaituana khom hi a hrâta, thonthu le irhoitirna ringota hril hin a ruk ti thei ngai mahaia. A tak tak le a om ngêt a nih ti hi an inhriat nuam dân tak a ni tâk sika hin, Bible-a mi thurchi ei insir pehai khomin a thei hrâmin chu Bible-a omna lekhabu, a bung le ar châng hril pehai hih thil satak ni le ar hoi. Map-hai khom hi irhmutir thei ni sianlân, an lunginchong hrât lâi tak khom a ni sikin thil khom hih an inhriat inrang ngai a ni. Khasikin, Bible irchâng an inhriat intam theina hrang ngaitua pehai a sa.

An nuamna (emotion) hi a kâra chu ar sênga, a kâra chu ar hnuai pehai ngai, hi hih an mizia a la'r lang infel thei no sika a ni. Mi dang nêka thei irtina hi a tam pehaia, tho thei loi nei hih thangtômna tak an nei ngaia, khasikin irchutirtuhaiin sataka hruai nino'n chu kumtuanga hrât thei loina a pêk thei ti inhriatpuihai a sa.

### **An kholâi nun :**

Rual leh irpôl an thei tâk sikin, rual sa nei an nuam lâi tak a nia. Nupangin nupang rual irpôlpui an nuama. Pasalin an pasal chanpui irzuipui an nuam ngai. Khasikin, nupang le pasal irsiatna hmuna intoitirhai hi a sân a sa a ni. Junior pôl nâipanghai hin mi roinpui le thil tho thei an ngaisang tak taka. Hi sika hin ei irchulaibu-a khom hin mi thil tho thei le roinpui thuhai hong uar ei ta, an roinpua le danglam bikna hai hong uarpuihai ei ti. Hi

## IRCHULAI - 2

## NEHEMIA

A thutum :- *Pathianin hlochukna a pêk ngai a ni.*

Tep hrang :- (Neh. 2:20; I Pet. 5:10; I Samu. 23:16 ).

## THUMAHRUAI

Avuana ei in sîr hrang chu Nehemia thu a nia; Nehemia hi Israelhai irbuk khomna hmun Jerusalem indingtirtu kha a ni. Nehemia ti irhming omzia khom “Jehova Pathian inhnêmtu” tîna a nia; apa khom hi Juda nama Hakalia a ni. Nehemia hun lâia hin Israelhai Babulon sala an intâng hun lâi tak a nia; kha hnunga chu Babulon kha Persia ramin inhnena an chang nôk sikin, Nehemia hi Persia rêng Artezerzia kuanga khalâi dotu hin a chang taka; khan, a sinthona kha rengin a iam zoi sikin, dinghmun irsâng tak Jerusalem a khan Governor hrangin mophurna a pêk tak a ni. Ji-sua Krista khomin tomtê chung a iamomin nin om in chu tam tak chung a thuneitu le inkôltirtu la ni nin ti tiin a hril a ni.

**1. Nehemia'n Jerusalem kulsiat le Judahai thu an hriat:-** Nehemia hi Susa khua a om laiin Judahai thurchi hi a sangpa Hanania kuang ava fea Jerusalem kul siat thu le a namhai sala dengitheina an tuangziahai kha a hril tâk a ni. Khan kha thu kha Nehemia'n an hriat tena chu a chap taka bu khom neta loiin, a lungril an dûk pe tâk a ni. Kha tena chu Pathian kuang a chongchâi taka; a namhai ta hrangin ngaidam a zong tâk a ni (Neh. 1:4). Khan chu Nehemia khan reng kuanga khan kha Temple kha siam insatnôk hrangin phalna a zong tâka; khan chu reng khom khan a phal tâk a ni. Kha zoiin chu Nehemia kha Pathian kuang a chongchai nôka “*Ni suak hi hlo chuk hrangin ni pe ro*” tiin Pathian kuang a zong tâk ani. Khan chu rêng lungril khom kha Pathinin sin a thope tâka Jerusalem siat inding nôk hrangin asân a nuam taka. Kha bâka reng khan lampuihai a khom an buai nona hrangin sepaihai khom pêkin a iom a ni. Asaph Forest rêng khomin thing le hmangruahai lâksa theina hrangin thu a pêksa tâk a ni (Ezek. 8:8).

## SEN KHATNA

## THUTHUNG LUIA PASAL IAMOM INLÂRHAI

## IRCHULAI - 1

## MOSIA

A thutum :- *Hruaitu chu Pathian inthang a ni.*

Tep hrang :- (Gen. 2:1ff- 6; 16ff; Sintho. 7:24).

## THUMAHRUAI

Avuana ei in sîr hrang chu Pathian mi inthang inkhat Mosia thurchi hi a ni. Mosia sika hin mipui tam tak saninzôkin an om tiin ei hmu a nia, khan Pathian mi inthang a ni sikin; Pathian ngêt hi changpuitu a ni ti an hriat a ni. Khasikin, Jisua Krista khomin hruaitu chu Pathian inthang a ni ngêt ti omzia khom tarlangin a om a ni. Johan 15:16-ah Jisua'n nangnin nin thang mak cheia, kei-man kêng ningni kin thang taituana nin ra a om thei maina hranga a ni. Inthang ti chu a bika/a hrana koi /inthang tîna a ni. Hruaitu chang mo ei nuam ei ni te ? hruaitu thu mo ei zôm ngai ? Khasikin Pathian Thu zôm le hruaitu thu zômhai chu iang mi mo an hong ni ngai ti hi ei irchu hrang a ni.

**1. Mosia suak thu:-** Mosia hi Aigupta atûn lâia (*Egypt*) an iti ngai a khun 7th Adar Feb.-March, 1938 BC-ah suak a ni. Mosia pa chu Amrama a nu Jokebedi a nia; nai inhni an neia a naihai irhming chu Arona le Mosia hi an ni. Apa hi Levi irchi mi a nia; Jakob nai inthumna ania, Ochai irchi tia koi anni. Khasikin, Mosia khom hi Ochai irchi sînga suak a nia; a suak zoro lâia hin Aigupta rêng Faroa inlal lâi hun a ni sikin; Hebrai nâi pasal murdi hi that pai zit hrangin thu an suah sikin, kha rama khan a nuin a chipui tâk sikin, tuiptui muang kôla phaihriam kung hnuaiia khan a va thup tâk a ni. Khanchu kha tui dunga an thup lâiin Faroa nâinu kha tui irsîl nân Mosia kha a zu hmu taka; nâi hmêlsa tak a ni sikin, a nâia don hrangin a hong hruai tâka ;khan chu kha nâite kha arhming khom Mosia phuah tâk a ni. Mosia ti irhming chu “*Tui ata lâk suak*” tîna ania Bible a khom fel takin hmu thei a ni.

**2. Mosia'n Hebrai nina an hriat:-** Hi taka Hebrai ti chu Aigupta sũaga Israel naihai (Gen. 39:10)-ah khan Abraham irchia mihai rêng reng kha Hebrai irchi tia inhriat inlâr ual a ni (Gen. 10:21). Khan Mosia hi archihâi Aigupta hnuaiia intakna tuang kha an hriat tena chu Faroa kut hnuaiia sintho nekin archipuihai san inzôkna chang hrang khan intakna kha an thang lem tâka; khan chu Median rama khan fe hrangin arthok suak taka(Sintho.7:24; Ge. 2:11ff). Mosia hi rêng kuanga oma hoi taka om nêkin chu a namhai ta hranga intakna tuang kha arzuk ual tâk a ni. Khasikin, nam le zât ei ti hi Pathian irthoka pêk a nia; mâni ta hrang ringota sin hi tho hrang ni maka; mâni nam le zât ta hrang khoma sintho hi Pathian nuam dân khom a nih. Kha angkhan atûn hin mâni irzirpui tak tak lungthung loa midang ki lungthung ti chu milak a ni ti hi ei Bible a khom hmuthei a ni.Khasikin,Jisua khomin mani nam tak tak irkiptir hrangin mani omna hmun ata fesuak hrangin a ni nuam a ni.

**3. Mosia chu hruaitu a ni:-** Hruaitu ti chu mipui tam tak kara irchutirtu nina inkhat a ni ngai a nia; khang khan hruaitu chu a mipuihai ta hrangin intakna tam tak tuangin a mihai ta hrangin thil dik le omdan sahai a ihril hrang a ni. Khabaka hruaitu nina a hin a sia le sa khom inhriattheitu a ini hrang a nia; Mosia khomin Aigupta ram sunga a nam le zâthai ta hrangin a thei thiamna hman hrangin (Sinth. 7:22) -ah khan Pathian hi itinrêng tho theitu le a hruaitu tak khom a ni tiin a iam ngita; khan chu Pathian le khan irnaina tak a neipui tak a ni (Heb. 11:23-29; Sintho. 7:23-37). Khannisian, a namhai khan Mosia thu kha zôm nuam loiin an om ngaia; khannisian a mihai hrang khan a tuang ngat ngat a ni (Numb. 14:13ff; 16:46) kha an khan Mosia kha sin a tho sika khan Pathianin a thona tinrenga a changpui maia hlochuk takin an omtira a sinthona tinrenga Pathian a lôm tâk a ni (Heb.11:27b; Phil. 4:13; Numb. 14:13ff).

**4. Deipu le dân pêktu a ni:-** Pathian zia chu sintho hrang le inpuang hrangin a ni hril a ni. Khasikin ama hi a namhai vâi hru-aisuaktu ni maka Pathian nuamlam thotu khom a ni sa a ni (Gen. 3:1;4:17; 19:3) khasikin Sinai tanga Pathian thupêk le a hril lamhai khom hi a hnuaiiahai hi ani-

- 1) Thuthung namindetna (Gen. 24:1)
  - 2) Thusômpêk (*Decologue*) (Gen. 20:1)
  - 3) Thuthung hmu hrang dân (Gen. 9:1)
  - 4) Suak chung a tho hrang dân (Gen. 21:1;23:1)
- Hî a chung a thupekhai hih sakuana vaih ni loiin; omdân

mihai satna hranga siam a ni ngaia; khang khan dân hi omno sian asia le sa khom inhriat theina ei nei loi hrang a ni. Jisua Krista khomin kei hi dân irkiptir hranga zuang ki ni a ti a ni. Khasikin, ei ni te khotang dân hi ei zôm ngai mo ? dan zôm notuhai in chu thina ten khom an tungtir ngai a nia; Pathian dân kha amihai kuanga pêk a nia;mipui tam takhai kuanga khom inpuang hranga a pêk a ni. Atun ten khom hin thu ei irchu mai khom hi Pathian irchutirna thu hi ei la irchu mai a ni.

**Changvong : Fesuak.6:7**

*Khan chu ki mi nita nin ta,kei nin pathian ni ki ti;khanchu keima hi ni Pathian Rengpa Aigupta hâi suak nin changna ata hruai suakpu kh nih ti inhria ta nin ti.*

**Irdonna:-**

- 1.Mosia nu le Pa irhming kha imani?
- 2.Mosia kha ikuma suak mani?
- 3.Mosia omzia kha imani?
- 4.Mosia laia Aigupta rêng kha tumani?
- 5.Hruaitu ti omzia hrilfia roh.

hong sa tâka. Khalâia khan Davida hi thoibop lungrîl lâi tak a nia; Israel mi Pathian inthanghai nam esêltuhâi kha asân Davida hin irngai thei maka; khan chu Davida hin puan hmora khan lung irhlûm (virvom) an iti kha a khit khopa milianpa Israel mi lâia Goliatha michala khan a va dêng taka; kha pa kha a thi tâk a ni. Khan chu reng saula le khan inrualna sa tak neiin Davida kha infetir hrang khan nuam ta mak a ni. Kha reng ata irthokin reng Saula nâi Jonathana le khom khan an irrual mai ngâi tak a ni. Khan, Davida hi mi chînte ni khom sian Pathian changpui na zârin Israel mi hai le sepaihai khan asân an inza taka; reng Saula khom hin Davida kuang Pathian a om ngêt ti an hriat sikin, Saula hin ki reng nitna hi ni khel a ti tiin a hnarsain thatpai a tum tâk a ni. Khan chu Davida that hrangin rêng saula khan anâi Jonathana le sepaihai kha a tîrhai taka; khannisian, Jonathana khan Davida chung a apa lungrîl irput kha a va hril pe ving taka Davida kha arbîk irhmang tîr tâk a ni. Khazoi hnungin Jonathana chu apa kuanga kîr nôkin; that loi hrang khan a va ngên nôk taka, a ngênna angin apa khom khan a leipom pe nôk tâk a ni. Kha zoi hnunga chu Davida kha rêng saula ina khan a va hruai nôk tâk a ni.

**4. Jonathana'n Davida saninzôkna:-** Khan rêng saula hi a lungrîla setânin sin a thopea, Davida chu thatpai hrangin a ngaitua nôk tâk a ni. Khan chu, Saula khan Davida kha ufei le khan an khoa, an khosela Davida chu apa in tiang an tan irhmang nôk tâka; Jonathana hin Davida zôkna hrangin thil tin rêng tho hi arhuam vinga, khan chu rêng bunêkna hrang hruaithe hi a siam irfûk taka; kha hmuna khan Davida hi a chang no sikin, rêng kha a ning an mur nôk ual taka. Jonathan hi Bethel sungkua inthôina nei hrangin an fiala ki infetir kêng a tepe nôka; kha tena chu kha thil omdânhai hril hrang khan naipang a va tîr laiin; Jonathana le Davida chu irtumin irsenna thuhâi hrilin, a rûka an nâi le te tena khom irchangpui mai hrangin chong an inkhâm tâka an thei tâk a ni.

**Changvong : Inpakna. 31:23**

chu Jerusalem siat kha a va hmu taka, kha tena chu sakor lâkin khua kha a vêl vinga; kha ni ngêta khan asiatna hai kha sinzôi nôk hrangin a lungrila khan a tum tâk a ni. Khan chu Juda hruaituhai kha a buk khômhai taka Pathian ihril lam angin; kha Jerusalem siat kha inding nôk lat hrangin a hrilhai tâk a ni. Kha thu kha Sanballat le Tobiah Geshem-haiin chitna thu tam tak inhriattirhai khomsian Nehemia khan irvana Pathianin hlochukna ni pe ngêt a ti ti kha a iam ngêt tak a ni. Khan chu kha iamna kha det takin a nei mai sikin inding hranga sin an hong tho tena chu a kôl vêla mi tam takhai khan an hong changpuihai sup sup tâk a ni. Kha Jerusalem temple inding hrang khan Pathianin a changpuihai tak taka siaminsattîr tîrin an om tâk a ni (Deut. 28:12; Kol.3:23).

**3. Sum-puan hmang dân sinsiamna:-** Khan hi Jerusalema sin sùng a hin mani nam Judahai laia hin inriang ram neiloihai intakna tuang an tama Juda nam ram neituhai le irchonghai kha sum puan tam tak inpungtirna hrangin inrianghai kuanga khan semin an om taka, kha inrianghai sum puan pêk khîr thei loihai ta hrangin chu an naihai ten khom zuarpaiin an om ngai a nia; kha thu kha Nehemi'n an hriatin chu asân a ning an mur tâka (Fes. 22:25). Hi anga an lei thonahai murdi kha thotaloi hrangin dân a pêk taka; Jerusalema inriang ram nei loihai hrangin nei theina hrang khom a ngaitua pehai tâk a ni.

**4. Nehemia nuna irchuna sa:-** Jisua Krista'n nir irchon omna kipa nin milung khom om a ti a iti anga khan (Lk. 12:34). Nehemia hin Juda chu Pathian inthang le Jerusalem khom Pathian le irpôl khomna hmuna hranga pêk a ni ti hi a ngaituana a om pe ngit sikin, asân mipuihai irthokin "*Jerusalem inding nôk ei ti*" tia inthorna neiin akoi bûmhai tâka; mipuihai khomin lung irrual taka inding nôk hrang khan hma an lâk tâk a ni. Khannisian, misual tam tak khan an sinsai kha insiat nôk hrang khan an tum maia chu; kha thuhai kha Nehemia hin an hriatin chu sepai doitu pôlhai doi hrangin asiahai tâk a ni. Kha khan râl an hong a insiat an tumin chu totorot kha tuma irkoikhom hrangin thu a pêkhai tâk a ni. Kha anga sinthona nei maiin sun sôm ringa sùn hni sùng a hong tungin chu Jerusalem kul banghai kha inding suak a hong ni tâk a ni. Kha hnunga chu Nehemia khan kul bang inhong nikhua khom indang a hong ni tâka. Khantena, chu irvâna irthokin irhâihoihai le zaipôlhai irhâiin lampuihâia irkôiin mipuihai kha lôm takin an om tâk a ni.



**Changvong : Nehemia 2:17**

*Khanchu an kuang “Kin ngirhmun a isiat lam hi nin hmua,Jerusalem a ram ti le,a inkhârhai a kâng ti khom nin inhriata;tho insirsiata ei ni lina hrangin jerusalem kul chu inding thar nôk ei ti,’ki tia.*

**Irdonna:-**

1. Nehemia irhming omzia kha imani ?
2. Nehemia hi tu nama mi mani ? Apa irhming imani?
3. Nehemia hi isintho ngai mani ?
4. Nehemia changpuituhai kha tuhai man nih ?

## IRCHULAI - 3

**DAVIDA LE JONATHANA**

**A thutum :- Rual iamom takhai**

**Tep hrang :- (I Samu. 18:1-4;20; 1:42).**

## THUMAHRUAI

Avuana ei in sîr hrang chu Israelhai rêng inhni Davida le Jonathana thurchi ei in sîr hrang a ni. Chong irdonna nei ei ti. Renghai hi imo an tho ngai ? le itina reng hi an ichang ngai mani ? rengin chu a ram a tâng le a mipuihai a en kôl ngaia, asia le sa khom ama`n a irêl ngai a ni. Khasikin, Davida le Jonathana khom hi kha anga reng fel tak an nia; an ram an tâng buaipuitu tak an ni.

**1. Davida le Jonathana:-** Davida hi Juda nam laia Jessai nai ulian tak a nia Davida irhming omzia khom hi Hebrai chongin “*david*” iamzoiloi tina a ni. Ama hi Israelhai lâia reng inhni a nia Thuthung Thar a khom hin 58 vêl hmutheiin a om .Jisua khomin Davida naipa tiin a phua a ni. Asan chu taksa tianga khom hin Jisua hi Davida irchi sũa suak a nia Jonathana hi reng Sola nai ulian tak Benjamin irchia mi ani.Asangpa inhnihai chu Isria le Malkisua an ni (I Samu. 14:49). An sangnuhai chu Meraloi le Nikali an nia an pa Jonathana hi Deipu sintho ngai a nia arhming omzia khom “Jehova ipêk” tina a ni.

**2. Jonathana le Davida irpôlna:-** Jonathana hi reng naipa a ni. Davida hi beram enkôl ngaitu a ni. Khan Davida le Jonathana hi an irhmua irthokin asan an irpôl khom ngaia Jonathana khom hin Davida hi a lungthung tak taka;khasikin a puan inhngak ngai ten a pek sa ngai a ni. Khan chu Jonathana khan Davida kha thal ngul le kongkhit irthuamnahai kha a pêka rêng naipa neinun nei chu asân a lom ngaia,khan chu reng kebula seranda le bekul tum hrangin an koi sa ngaia reng khan a naipa tak tak angin lung a thung sa ngai a ni.

**3. Reng saula ina Davida a um:-** Khan voikhat chu Israel sepai le Palistian sepaihai an fe khôm taka; kha lâi khan chu a tûn lâia bom,selai tihai hi hmang lani maka; chem le ufeihai hmanga ir-

## IRCHULAI - 5

## SOLOMONA

**A thutum :-** *Pathian chu inhriatna le vârna a ni..*

**Tep hrang :-** *(II Roirel. 1:7-12; 9:13-28; I Renghai. 1:28-40; 3:5-28; 4:29-34 ).*

## THUMAHRUAI

A vuana ei irchu hrang chu reng roiinpui tak le vârn tak Solomona thu ei irngai hrang a ni. Khasikin, reng hi ei inhriat ta ngai mo ? ianga mi ho mo rêng ei iti ngai ? reng chu mipui tam tak laiai roirêltu a ni ngaia ama nuam dân le ama ti dân ang angin roi a irel ngai a ni. Khasikin kha hun laia reng roiinpui tak Solomona ania,hi thu hi ei irngai hrang a ni. Khasikin hi thu hi ei inhriat thei ualna hrangin tòi sasarín zu tarlang tum ei ti-

**1. Solomona irhming omzia:-** Solomona hi Israelhai laia reng inthumna a nia; (971-931) BC Davida le Bathsheba nai a ni. Solomona irhming omzia khom “irngeinuam” tina a ni. Deipu Nathanan irhming omzia dang an neitir noka “*Jidedia*” tiin a phua; a omzia tak chu “*Rengpa lungthung*” tina a ni (II Samu. 12:25). Solomona reng lai hun tak hi Israel ram irzatlai hun tak a nia; asan chu Solomona hin Pathian kuang rammual irchongna nekin a mipuihai kai hruai theina hrang le an laia roirêl theina hrangin a zong a ni. Khan chu, Pathian khomin a zongna chu en san loiin a izong fingna khêla irchongna khom pêk belsain a om tak a ni. Solomon-ah hin Thufing sângthum vêl arziaka hla khom sângkhat le ringa a phua sa a ni. Kha taka irhming inlar tak chu seba rengnu hi a ni. Solomona hin Jerusalem Temple inding a nia; archong lam khom hi (Chro. 9:13-28)-ah hin hmu thei a ni. Salomona hin dongma khom hi irzasari a neia hiang hin a hun hong hmang thiain a mongna taka chu Pathian irhming insiattu a la hong ini a ni.

**2. Solomona rêng hranga inthang:-** Khan Thuthung Luia renghai chu sahriak an nâlhâi ngaia; apa Davida hi a ulian tâk sikin a thi hrang tôn a khan a naipa Solomona hi reng hrangin inthangin a om tak a ni. Kha ang khan tian a khan chu reng chang hrang khom hi apa irchi kha reng irchi ani noin chu reng hi chang thei ngai mahai a ni. Kha ang khan reng hrangin Ochai Zadoka'n sahriak a pol tâka Solomona'n khan chu mipuihai kha totorothai tumin mipuihai khan “*Pathianin reng Solomon hi enkôl rise*” tiin perkhuanghai le belemhai tumin reng Solomon kha an zui sup sup tak a ni.

**Irdonna:-**

1. Davida pa kha tu mani ?
2. Jonathana pa kha tumani kha ?
3. Jonathana le Davida hi isintho ngai man ni ?
4. Davida that tumtu kha tu mani kha ? isika that a nuam mo ?
5. Davida saninzôktu kha tumani ?

## IRCHULAI - 4

## GIDEONA

**A thutum :-** *Pathian iamna sika midanghai irtharngamna.*

**Tep hrang :-** *(Roirel. 6:11-7:25 ).*

## THUMAHRUAI

A vuana ei irchu hrang chu Irsaelhai chungâ roirêltu inkhat Gideona thu a ni. Gideona thurchi hi nin len hriat ta ngai mo ? Gideona hi Israelhaiin rêng an nei mana roirêltu ringana a nia; Josua le Samuela hun kara 1200-1050 BC vêla hruaitu Midianhai doitu kha a ni. Khasikin hi thu hi ei inhriat thei ualna hrangin tòi sasarín zu târlang tum ei ti-

**1. Gideona hi tu mani:-** Gideona hin irhming inthum koina a neia i) Jerubaala ii) Jerubasetha iii) Gideona ti hi a ni (Roirl. 6:32;9:1; 53 II Samu. 11 :21).

**Aomzia:-** Gideona irhming omzia chu “khithlumtu” tina a ni. Arhming omzia angin apa hi Baal Pathian biaktu a nia; Pathian nainu Aseri hi a khithlum a ni. Gideona hi Manasea irchia mi a nia; Joasa naipa a ni Joasa khom hi arhming omzia tak chu “Rengpa ipêk” tina a ni. An omna kua khom hi “Ophra” a tun laia et-Tayabah khu ni a ti tiin an iam a ni.

**2. Gideon koina:-** Tianlai khan Israelhai kha Midianhai thuhnuaia intâng an ni laiin Gideon hi Pathianin hruaisuakna sintho hrangin a ikoi a ni. Midian-hai hi Jordan ramri Moab le Edom hnuiaia Ismailhai le irnâi le irkai ual a ni (Gen. 37:28). Khan hi huna hin Israelhai hi Midianhai kuta dengtheitirin an thilnei sial le ui arhai lâkpaï pehaiin an om taka; kha taka khan sansuakna sin tho hrangin an ngêna Pathianin Gideon kha inthangsuakin a om taka khan sunkhat chu grap sômna tui an inlâi takin vantirtôn a kuang a zuang inlara “*Nang mi hrat le amihai Rengpa chu ni kuanga om ti hi ni hratna hmangin fenlan midianhai dengintheitirna irthokin inpâk roi*” tiin an hriat tak a ni. Khan kha thu kha an hriatin chu asân intak a ti taka, khannisian Pathian changpuina chu Midian mihai chu inhne nget hrangin a lungrila khan ngaituain arhngat

**3. Baal maicham insiatna:-** Gideon hin Pathian ata inlarna a hmu tena chu apa Pathian biak Baal kha insiatpai hrangin a hril taka; khan chu Gideon khan Pathian ihril angin apa maicham insiatpai hrangin a tirtônhai hruaiin zana mi inhriat loi kârin an fe taka Baal Pathian le Aseri irlim kha insiat paiin a om tak a ni. Kha insiatu kha Amilek mihaiin an inhriat tena chu Gideon kha thatpai hrangin an irsiam tak a ni. Kha khan dâi hrekin a changpui hrangin Israelhai kha a koi khomin inthurual taka doihai hrang khan a irsiam tak a ni.

**4. Midianhai le Amilek doina:-** Gideon le Israel mipuihaiin Pathian hruaitu le roirêltu haitak Pathian irthoka an dong nget ti an inhriat sikin, lom taka irnak insua hrangin mi sangsôm inthum le sânghni inthang suakin an oma, khannisian Gideon khan tu khom chipuma fehài kai chu hong kîr nôk risehai tiin thu a pêka; kha khan mi sangsôminthum le sanghni chu an hnung tiang an hong kîr nôk tak a ni. Kha hnung khom khan kha irdoi hranga fe murdihai sepaihai kha Gideon khan tuiin hrangin thu a pêkhaia sepaihai khan senkhatin toipumin le kutpârin tui kha an in taka toipuma hoi taka tuiin hai kha mi sangkuak le irza sari vêl an nia; khahai kha hnung tianga kîr nok hrangin a hrilhai nok a ni. A kut pâra tuiin hai kaiin chu man tiang panin râl doi hrangin an fe tâk a ni. Kha taka fehài kha chu mi irzathum vel vaiin râl doi hrang khan an ife tak a ni. Midian le Amilekhai tam dân chu tep zoi zât loi an nia; an saringsei ringot khom kha tuikhanglian khan mipui le an sip ngit a ni. Khannisian Gideonin a sepaihai kuanga khan Pathian

bekul a chung a meiser le belruk a siapehai taka an râlhai tiang khan malam an pan mai tak a ni.

**5. Gideon khan an doihai hrang lam an hrilhai:-** Khan Gideon khan an râlhai omna khan zân lai taka an va tung taka kha taka tho dân hrang le chong dân hrang fel takin an hrilhai tak a ni. Khan chu râl entuhai irthul lai takin totorot mûtin kha khan an va lût khumhai taka kha an omna hmun an va phâkin chu “*Rengpa le Gideonna ngun nam*” tiin an khêk taka kha tena chu an râlhai khan asan an buai taka an kamang khak tak a ni. Khan chu an râlhai khan an ni le an ni khom kha inhriat infel ta loiin an irthat tol taka ala thi loi hai kha an intan suak taka Gideon le a sepaihaiin a tak taka inhna kha an chang tak a ni.

**Changvong : Inpakna. 118 : 14**

*Rengpa chu ki hrâtna le ki hla ania; Ama chu ki saninhringna a ni ta.*

**Irdonna:-**

1. Gideon irhming omzia imani ?
2. Gideon sepai rala fehài kha idor man ni ?
3. Gideon Pa Pathian kha imo arhming ?
4. Itin takin mo Gideon le a sepaihaiin ral an va doi ?

## IRCHULAI - 7

## HANI

**A thutum :-** *Pathianin lungrîl taka chongchai chu arngai ngai*

**Tep hrang :-** *(I Samu. 1:1-28)*

Chong irdonna. Nin laia hin tutu mo chongchâina nei ngai ? ki chongchâina a ni sâm ti mo nin om tak ? Chongchâi hi Kristianhai ta hrangin a poimo tak a nia; Pathian le ei irzomna tak khom a nih. Khasikin, intakna dengtheina, le lomna ei donghai khom hi Pathian kuanga ei intungin chu amain itinrêng a itho ngai a ni. Khaanga chongchâi nuam mi inkhat Hani thurchi ei irngai hrang a ni. Hani thu hin irchu hrang poimo tak tak a oma inlapna sa tak khom ei dong hrang a ni. Khasikin satakin ei inhriat ual theina hrangin hi a hnuaiang hin toi sar sarin zu târlang ei ti-

**1. Hani irhming omzia :-** Hani hi Elkana dongma inhnina a nia; arhming omzia khom “lungthungna” tina a ni. Hani khom hi nai nei loi mi a nia; asân a rualhai kola hin inzak a ti ngai a ni. Asan chu Hebrai dâna chu nai nei tamhai hi Pathian iamtu a ni sika saturna a ipêk ti angin an irngaia, nai nei thei loihai hi Pathian khomâksâm mi angin an irngai ngai a ni. Elkani hi a dongma masa le khan nai inkhat an neia “*penini*” hi an neia Hani hi asân a hmumak ngai a ni. Khasikin Hani hi inzak lei beidong takin a hun hi a hmang ngaia a lungrila hin lomna reng reng a inei ngai loi a ni.

**Hani beidongna:-** Hani hi mihai angin nâi le tehai a neino sikin asân a beiindong ngaia, chappumin a hun khom a hmang ngai a ni. Pathian Biak in sênga chongchâina a fe zoro laihai khom hin “Penini” hin an nuisan ngaia; asân a milung an duk ngaia; bu le An tenhai khom faloi rakin hunhai a hmang ngai sikin, a hmelhai khom khan raifan hmel a irput viat ta ngai loi a ni. Khan Hani kha irzal le danglam takin a om taka a pasal Elkana khom khan a hmun chu itho mani tiin asân ama khomin a char andongtira a lungindûk tuangna san kha zong suak atum tak a ni. Khannisian, Hani khan kha a tuangna kha a pasal kuang hril nuam maka Pathian kuan irvei tak takin arveia hmu nget ki ti tiin Pathian kuang a zong tak

**3. Solomon Pathian kuang a ngênna:-** Khan chu rêng Solomon kha mipuihai khan an mâksan zoi tena chu Solomon kuanga khan vantirtôn a zuang inlar taka; Solomon kuang khan imo nang ki ipêk hrang zong ro a ti pe taka khan chu Solomon khan “*mipuihai laia dik tak le fel taka roirêlna ki nei theina hrangin*” atia. Pathian kuang a zong taka kha anga ngennahai kha midanghaiin an la ngen ngai no sikin, a izong khela Pathianin roiinpui tak irchongna khom a ipêksa tâk a ni. Khaang khan Jisua Krista khomin aram le felna zong masa lem ro khahai tinreng kha pêk belsa ni nin ti a ti tak a ni. Solomon kha Pathianin fingna khela neina khom a pêk sa tak sikin asan a hong inlar taka ama reng chang sênga hin a ram khom a hong lian zêl taka; ram dang mihai khan doi ngam tama hai a ni. Khan chu Israelhai kha irtharngam takin an om thei tâk a ni.

**4. Jerusalem biakin inding:-** Jerusalem Biak in roiinpui tak asiat chit tak sikin Solomon khan a enin asa ti maka; khan chu Pathian Biakna hrangin Biak in lian tak Jerusalem kha an ding tak a ni. Khan chu kha Biak ina hmang hrangin Hurama kuang a khan thing sa tak tak sidar thinghai a lâk taka far thing le algum thinghai thon hrangin a ngen tak a ni. Khan chu rêng khan a mihai tîrin lebanon tanga khan lak hrangin a tîrhai taka; mistri khom kha Biakin sin hrang khan a tirsuakhai tak a ni. Solomon hin thing mistri ringot sângsôm sari hi a dônhai lung mistri khom sângsômriat le sinthomi khom sângthum irzaruk a dônhai a ni. Kha tena chu Biak in chu sin zoiin a om tena chu Solomon khan Pathian kuang a chongchaia; irvân ata mei a zuang taka Pathian hranga thil an inhlantai khom kha a zuang kâng taka Biak in sêng chu Pathian Irtha khan a zuang sip taka Levi irchihai khan belem tumin ochaihai khan totorôt tumin

**Changvong : Matt. 6 : 13**

*Thêmna ni hruai inlût no'n lân, misualhâi ata ni saninhring roh'tiin.*

**Irdonna:-**

1. Solomon irhming omzia hi idôr mo a nei ?
2. Solomon nu le pa irhming imani ?
3. Solomon kha Pathian kuang khan imo a zong ?
4. Solomonin Biak in sinna hrang a khan ithing mo a zong ?
5. Solomon kuanga rengnu hong kha tumani ?

**SEN HNINA****THUTHUNG LUIA NUPANG IAMOM IN-LÂRHAI****IRCHULAI - 6  
SÂRI**

**A thutum :-** *Pathian chong inkung dikzia*

**Tep hrang :-** *(Irphut. 17:15-22; 21:1-7; I Pet.3:6; Heb. 11:11).*

**THUMAHRUAI**

Avuana ei insîr hrang chu Sâri thurchi a nia; Sâri hi mifel tak a nia khannisian, ama hi nai nei loi mi a ching a nia; nai nei loihai hi asân an bei adong ngaia mi hnuaisia khom an itong ngai a ni. Sâri khom hi asân a bei indongtirin a om ngaia midang nai a hmu zoro lai khomin Pathian kuanga hin nitin a zong ngaia beidong takin a lungril le a ngaituana reng reng hi a hmang ngai a ni. Khasikin, Pathian thu ôi Sâri thu hi tôi sar sarin zutarlang ei ti-

**1. Sâri irhming omzia:-** Sâri ti hi (Gen. 17:15) mân tiang khan chu Saraii ti a ni. Sâri ti le Saraii ti omzia khom hi “*reng nainu*” tina a ni. Sâri hi Abraham dongma a nia Tera tianga irkaina hin chu Abraham farnu a ni (Gen. 12:13;20-12). Sâri hi mi thuôi thei Pathian le apasal tu zôm mi tak a ni ti khom hi ei Bible-ah ei hmu thei a ni. Khan chu Sâri hi apasal le hin ûrh khua anva lût taka.Khan ama hi namhai nu a nizia khom tarlang a ni (Isaia.51:2). Thuthung Thara khom khan a iamomia mihai emôn a nizia ei hmu thei a ni.

**2. Sâri nai vong hranga inhriattirna:-** Khan Sâri hi nai nei loi mi a ni sikin, midanghai khan asân an hmusit ngaia; tianlai khan chu nupang pasal neia nai nei loi hi mi duk dak loi sualna nei ti angin an irngai ngai a ni. Khasikin, Sâri hi asân a hmai khom amôk pe ngaia; beidongna a tuang ngai a ni. Khan chu sîn tam tak Pathian kuang nai zongin a chongchâi taka; kha hnung chu Sâri kum 90 somkuak ani taka a pasal Abraham khom kum 100 (irzakhat) a hong kêi taka; nai hi nei hrangin an ngaituana khan ite om viat ta maka; khannisian, Abraham kuang khan Pathian a zuang inlar taka; “*Ni dongma Saraii hi Saraii ni ta no nia Sâri ni tâng a ti*” tiin

kha Seso kung hnuai a om lai takin Pathian ata mi inthum a kola khan an hong om pea; kha mihai fak hrang khan Abraham khan a dongma kuang dût tui tak le an tuitak siam irfûka bu innetirhai hrang khan a fialhai taka; kha mihai khom khan a dongma omna kha an irdona puanina a om tiin asamhai taka kha an irdon kha Sari khan an hriatin a loma an nui tâk a ni.

**3. Sari'n nai a nei:-** Pathian Thu lei ihril pe ang khan Sâri chungha khan irkhêl maka nai a hong vong taka tar tak tak nihai khom sian nai an hong inei tak a ni. Kha nai kha an hong nei zoiin chu arhming khom Pathian lei ihril ang takin “*Isak*” tiin an phua taka arhming omzia khom “*innui*” tina a ni. Kha nai kha Sari'n Pathian kola ki izong ang takin ki hmu tak sikin, mitinin an hriatpu dôrin chu ni lompu an ti tiin Pathian thungkung ngeta naipa pek anizia a hmu taka asan a lom tak tak a ni. Khan chu Pathian sintho theizia kha Sârin a hmun chu asan a iamna khom a hor sâng pe ual tâk a ni. Sâri kha a hun kha iamom takin a hong hmang theaiin kum 127 kum a hong niin chu Sâri kha a hong thi taka Hebron khua Mokpela khua a ruak chu phûmin a om tâk a ni.

**4. Pêktu Pathian:-** Abraham le Sâri hin Isaka hi Pathian chonginkung ngêt a ni ti an iam sikin, ama Pathian hi pêktu Pathian ngêt a ni tiin asan an iam ngit taka; khannisian Abraham kuang a khan Pathian a zuang inlar nôk taka; kha khan a naipa neisun kha maichama inhlân nôk hrangin a hril taka. Abraham khan asân intak chu a ti taka khan khom nisian Pathian chu pêktu a ni ti iamzoi ngitin moria tânga khan a nai kha hâlrlâ inthôina hrangin a hruai taka khan chu a nai Isaka inhlanna hmuna an tungin chu thing buk chungha khan khit hlûmin inthôina hrangin an zâlîr taka ;Abraham khan a nai that hrangin chem anlânglâi takin Pathianin Isaka irthûla inthôina hrang khan kêl a zuang pek tâk a ni. Khaanga Iamna sikin thil omloihai khom kha omin a inchang tâk ani.Khahnunga chu Abrahama kha irchi tam tak a hong inei tâk a ni.

**Changvong : Hebrai. 11:11****Ir donna:-**

1. Abraham le Sâri kha tu khua mi man nih ?
2. Isaka irhming omzia imani ?
3. Sari irhming omzia imani ?
4. Sari kha nai a nei khan idôr kum mani ?
5. Kho khua a mo sari kha an phum kha ?

**Changvong : Mathaia. 5 : 6**

*Felna sika phingchâma tuiinhrâlhai chu an vân a sa e,an la ikhop hrang a ni.*

**Irdonna:-**

1. Estheri hin idôr mo irhming a nei ? a omzia imani ?
2. Estheri hi tu irchi sũaga mani ?
3. Tumo Estheri enkôltu irhming kha?
4. Persia reng kha imo arhming ?
5. Persia ram sunga reng sualpa irhming kha imani kha ?
6. Juda nam murdi thatpai hranga thupek inboipaitu kha tu

mani

---

**2. Hani'n Pathian kuang nâi a zong:-** Khan Hani hi Pathian tiang irvei tak takin nâi a zong taka; Silo khua Biak in a khan fein irthanvâi le beidong takin inzakpum pumin Pathian kuanga a chongchâia inring loiin a lungrîl takin hi ang hin a chongchai a ni “*O sepaihai Rengpa ni bôinu irngai intômzia hi nin hriata, ni nin hriat maia; ni bôinu hi naipa ni pêkin chu a dam sũaga murdi Rengpa pe nôk ki ti alu khom epviat loi hrangin sia ki ti nirhmingin*” tiin chappumin a chongchai tâk a ni. Khan chu Biak in hngaktu ochai Eliza khan Hani om dân kha a hmu'n chu zunrui a sôn taka Eliza khan a hal taka. Khannisian Hani khan Eliza kuanga khan ka pu zu'n rui ni ma ung tiin a beidong dânhai le Pathian kola a izongnahai kha lungrîl na pumin kizong kêng a ti taka khan chu ochai khan a lungkham taka irtharngam takin fen lân Israelhai Rengpa'n ni izongna chu nang pe a ti. ati pea. Khan Hani kha Biakin ata lung irngam takin in tiang a kêr nôk tâk a ni.

**3. Hani chongchaina Pathianin a sâm:-** Hani hi Pathian tiang kha anga lungril tak taka irveia chongchai a ni sikin, Pathian khomin a lei dona lungdûk taka a zongna kha hlo an chuktir pe tâk a ni. Khan chu Hani khan nâi a vong taka naipa indit om tak a hong nei taka; arhming khom Samuel tân a phua tâk a ni. Pathian kuanga a ingênna kha hlo a nin chukpe nget an hriat sikin, asân lom takin a hong puihling tena chu Pathian sintho hrangin a pêk tâk a ni. Nazaret mihriam ni khom sian a bik piala sia indanglamin a sam ten khom eppe loiin Samuel hi Israelhai laia khom reng le ochai sintho hrangin inthang a ni tâk a ni.

**Changvong : Mat. 7:7**

*Nghi roi,pêk ni nin ti;zong unglân,hmu nin ti;intôk unglân,inhong pe ni nin ti.*

**Irdonna:-**

1. Elkana kha dongma idor mo a nei kha ? tumo a dongmahai kha ?
2. Hani irhming omzia kha imani ?

## IRCHULAI - 8

### ESTHERI

**A thutum :-** *Pathianin mifelhai a changpui ngai*

**Tep hrang :-** *(Est. 2:5-7; 3:1-6; 4:1-17; 7:1-10).*

### THUMAHRUAI

Avuan suna ei insir hrang chu rengnu Estheri thu ei insîr hrang a ni. Estheri hi mifel tak a nia; Pathianin a felna sikin thil tinrenga a changpui ngai a ni. Chong irdonna nei ei ti. Nang ni te mihai changpui mo ei nuam ngai ? misual mo nin changpui nuam mi fel mo ? Kha ang khan rengnu Estheri hi mi fel tak a nia; Pathian nuam lam thotu le a mihai ta hranga changpuitu satak a nia; khasikin ei Bible-ah khom hin Estheri thu tam takhai hmu theiin a om a ni. A thurchi fel uala ei inhriat theina hrangin a bul reng ata toi sarin hi anghin hril inlang ei ti.-

**1. Esthari irhming omzia:-** Estheri hi irhming inhni a neia; Juda irhmingin chu "*Hadasi*" ti a nia (Est. 2:7) Parsia irhmingin chu Estheri ti a ni. Estheri Parsia irhming hi an lar uala mihai khomin an inhriat tam ual sikin, a lekha bua khom Esthari tiin arziak tâk a ni. Esthari ti omzia khom hi "*arsi*" tina a nia; Ama hi Benjamin irchi sunga suak a nia; Abihaila nainu a ni. Esthari hi nai fara a ni sikin, Abihaila upa Jaira naipa Mordekaia'n a enkôl taka pa le fa angin an omsuam tâk a ni. Esthari hi a hmelsa vaih ni loiin a lungrîl khom asa sikin, Pathian thu le mi thu khom asan a oi tak tak ngai a ni. Khasikin reng Ahasuria'n dongma hrangin a nei tâka. Ahasuria hi Parsia reng roiinpui tak a nia; ethopia irthoka India dêna optu lian 127 ram ten chungu thuneitu tak a ni.

**2. Juda dongmate Esthari:-** Esthari hi Benjamin irchi a nia; Juda sungkua mi a ni. Estheri hi asân a hmel khom asa-ah nu le pa a nei ta no sikin a sungkua irnaipui Mordekai hin a enkola a urengpa thu khom a zôm tak taka itiklai khom a thusuak hai kha kha hnolpe ngai maka. Kha Persia ram kha reng Ahasuria thuneina hnuaiia om a ni sikin a ram khom a lian tak taka reng thu kha tutên anhnôl ngam ngai loi a ni. Persia reng Ahasuria hin a dongma hrangin a ram sînga dongmate hmelsa tak takhai kha en hrangin thu an sua

kha irvo'n rêng kôla khan an va om tâk a ni. Kha taka khan Estheri khom kha a va changsa-ah rêng khan Esthari kha dongma hrangin anhang taka Esthari hi mi inriang fara tak ni khom sianlan athuzômna sikin Pathianin satavura a rama reng lian tak dongma a hong chang tâk a ni.

**3. Hamanan Judahai thatpai hrang a tum:-** Reng Ahasuria hnuaiia milian inkhat Hamana hi a oma; ama rêng hi misual tak a ni. Hamana hi asân a om khom a lian tak taka reng Ahasuria ina a fe lai khomin sepai danghai khomin asân an inza-ah chubai an mûk ngai a ni. Khannisian Mordekaia hin chubai mûk nuam maka Hamana ninganmurpe taka. Khan chu Mordekai hi Juda nam mi a ni ti an hriat sikin a ram sînga Juda nam om murdi kha thatpaihai hrangin reng Ahasuria kuanga khan milak tho le hnolna thuhai va hrilin Esthari kha Juda nam a ni ti kha inhre viat maka reng khom khan Juda nam murdi thatpaihai ving hrang khan thu a pêk tak a ni. Khan kha rêng thupek kha aram pumpuia inthekindarin a om taka. Kha thuhai kha Mordekai hin an hriatin chu a beiadong tak taka puan kha an potthêr taka sâiip puan bora a sila irvut irpolin milung siat takin a chap ngûi ngûi tâk a ni. Khaanga rêng thupek kha Esthari hin an hriat no sikin Mordekaia beidong hmel irput kha a hmuin chu asân midang kuanga irdon vêlin kha thu kha Estheri khan an hriat tena chu ama khom hmel beidong takin reng kha inhriat hrangin a fe tâk a ni.

**4. Esthari'n archihai an zôk:-** Esthari hi rêng dongma a ni sînga khomin a urêngpa Mordekaia thu kha a zômaia; Mordekai khan Esthari kha reng kuanga a va hril hrang dânhai khom kha satakin a hril pe tak a ni. Khan chu Esthari kha renghai hrang pialin hruaithe roiinpui tak a siam taka mi poimo tak takhai kha a fial taka Hamana khom kha a fialsa tâk a ni. Reng khan Esthari kha "*Rengnu Esthari imo ni inuam tak ? imo ni izong tak ram chimrip ten khom pêk ni nih ti tiin ardona*" Esthari khan a ram mi Juda nam saninzôk hrang khan a zong tâk a ni. Khan chu reng khan kha thupêk kha tu reng ata suak mani tiin a zong suak taka Esthari khan reng sual Hmana rêng ata suak a ni ti kha a pasal kuang khan a hril pe taka. Khan chu rêng Ahasuria kha a ninganmur tâka Hamana khan Mordekaia inkhâina hranga a isiamu khan rêng Hamana kha

kîr nôk tâk a ni. Khanchu Naomi khan a môihai kuang khan “Nin nu le pahai kuang tiang kîr nôk ta roi” nin pasanghai chung a le keima chung a nin lungkhamna nin inlangtir angin Pathianin nangni inrên sian tiin a tumhai pût pûta a chap tâk a ni. Khannisian a môihai khan kîr no ni ung ni mihai kuanga ni fêna na nang zui mai ki ti tiin a hril tâk a ni. Naomi khan a moihai kuanga khan nangni chung a hin kêng ki milung a indûk tiin a hrilhai taka fe roi a tihai mai taka kha tena chu Orpi khan a tarpi kha a tuma a fe san tâk a ni. Khannisian Ruthi khan a tarpi kuanga khan nang kîrsan hrangin ni ti no ro tiin a hrila, ni fena kipa fe ki ta, ni riakna kipa khom riak ki ta, nirchihai chu kirchihai ni an ta, ni Pathian chu ki Pathian ni a ta, ni thina khan kei khom thiin om ki ta phûma ni omna taka kei khom phûmin omsa ki ti tiin Ruthi khan a tarpi kha a hril tâk a ni. Khan chu Naomi kha Ruthi kola khan ite tipe nuam ta maka an ruaiin Bethlehem tiang an kîr nôk tâk a ni.

**4. Ruthi'n pasal a nei:-** Naomi le Ruthi chu Bethlehem kua an va tung nôk taka nuhai khan asân an lei lômlûthai taka. Kha taka mihai khan hi hih Naomi kha mo ? an lei tia kha khosunga mi irchong tak Boaza an iti pa khan a lei lômhai tak taka Naomi kha a urêngpa Boaza kuanga khan Ruthi omdân satzia le felna kha satakin a hrilpe taka. Boaza khom khan a felzia kha an hriatin asân arngainat taka khan chu Boaza khan a sialohai kuanga khan sataka enkol hrangin a tihai tâk a ni. Boaza khan Ruthi kha a enin a omdânhai kha a milung a chuk tak taka; dongma hrangin Ruthi kha Boaza irchongpa'n a nei tâk a ni. Naomi khom Bethlehem khan hlim le lôm takin an om tâka Ruthihai kha nai an hong nei tâka arhming khom Obedia an phua tâka Israelhai reng roinpui tak Davida pu a hong chang tâk a ni.

### Chângvong : I Samu. 26 :23

*Rengpa khan,mitin an felna le iamomna man chu a ipêk ngâi ani. Avuan hin Rengpa'n nangman hi ki kuta ani Pêka, khannisianlan rengpa sahriak irthutu chung a hin ki kut ki ithâk nuam loi ani.*

### Irdonna :

1. Ruthi irhming omzia kha imani ?
2. Ruthi pasal masa kha imo arhming ?
3. Ruthi nai kha imo arhming ?
4. Ruthi inhnunga a a pasal kha tu amni ?
5. Boaza kha itho ngai mani ?

## IRCHULAI - 9

### NAOMI

**A thutum :- Pathianin a mihai irhngil ngai ma.**

**Tep hrang :- (Ruthi. 1:1-2:23).**

### THUMAHRUAI

Avuan sun a ei insir hrang chu Meithâi thurchi ei insir hrang a ni. Meithâi hi ei inhriat ngai mo ? i anga hi mo meithâi ei iti ngai ? Meithâi ti chu innei hnunga nupang a pasal ithi sanhai hi meithâi ei ti ngai a ni. Khaanga meithâihai kha Pathian khomin lungkhamhai hrangin a ni inuam a nia; an intakna khom changpuihai hrangin a a ni iti sa a ni. Khsikin khaanga meithâi Naomi thurchi ei insir hrang a ni. A thurchi fel uala ei inhriat theina hrangin a bul reng ata toi sarin hi anghin hril inlang ei ti.-

**1. Naomi omzia:-** Naomi irhming omzia chu “*thum, inditom, lô-mom*, tîna a ni. Khan Maob rama khan cham a tak taka; Bethlehem tiang khan an kîr nok taka a lei lômtu nuhai kuang a khan Naomi niti no roi Marai ni ti roi a ti tâk a ni. Marai ti omzia chu “*Kha*” tîna a ni. Apasal chu Elimeleka a nia; a omzia khom Pathian chu rêng a ni tîna a ni. Naomi hi Bethlehem kua suak a nia; Bethlehem chu “*bai in*” Arabic chongin Bethlehem tia irziak a nia a omzia khom “*sa in*” tîna a ni. Naomi thurchi hi Bible-ah ei hmu phâk ban chu thurchi dang bua hmu hrang hi a vâng a ni.

**2. Israel rama châm a tâk:-** Tianlai Israel ram Bethlehem kua a khan Naomi sêngkua an oma nai inhni an neia; Mahlona le Kiliona hi an ni. Khan Israel rama hin châm a tâk taka; fâk hrang nêk hrang hi asân a vâng tak taka mitam takhai hi hmuna irthokin an rot suak taka. Naomi insêngkua khom hi asân om nuamhai khomsianlan fâk hranghai a hong vâng tak sikin, khosak ram hla taka Jordan tui rala khan Maob kua a khan a rot tâk a ni.

**3. Naomiin a pasal a sîn:-** Naomi kha Bethlelem kua a irthokin Moab rama khan an rota. Khan kha rama khan fâk hrang tam tak an hmu taka; khannisian an naihai inhni kha chu Moab mi nupui an neihai taka an dongmahai chu Ruthi le Orpi an ni. Naomihai kha Moab rama kumtuanga om hrangin chu ngaitua ni ual mahaia; khannisian an pa Elimeleka chu a thi taka Moab kua-



zoro sôt note sùngin an naihai inhni khom kha an hong thi nôk taka nai le te nei irman loiin an om tâk a ni. Naomi khan a lunggrilin arngaitua taka Pathian lung chuknona sin kin itho sika ni ta a ti tiin arngaitua tâk a ni. Khan chu Naomi khan an omna milui Bethlehem tianga kîr nôk hrang khan arngaitua nôk tâk a ni.

Khan Naomi kha Moab kha sũa a om laiin vângduaina a tong sikin a lungril irngam pe ta maka, Bethlehem tiang a kîr nôk tâk a ni. Khan chu, Naomi khan a môihai kuanga khan “Nin nu le pâhai kuang tiang kîr nôk ta roi” nin pasalhai chung a le keima chung a nin lungkhamna nin inlangtir angin Pathianin nangni in rênshian tiin a tumhai pût pûta a chap tâk a ni. Khannisian a môihai khan kîr noni ung ni mihai kuanga ni fêna -na nang zui mai ki ti tiin a hril tak a ni. Naomi khan a môihai kuanga khan nangni chung a hin keng ki milung a indûk tiin a hrilhai tâka fe roi a tihai mai tâka kha tena chu Orpi khan a tarpî kha a tuma a fe san tâk a ni. Khannisian, Ruthi khan a tarpî kuanga khan nang kîrsan hrangin ni ti no ro tiin a hril taka ; nang ni fêna kipa fe ki ta, ni riakna kipa khom riak ki ta, nirchihai chu kirchihai ni an ta, ni Pathian chu ki Pathian ni a ta, ni thina khan kei khom thiin om ki ta phûma ni omna taka kei khom phûmin om sa kiti tiin Ruthi khan a tarpî kha a hril tâk a ni. Khan chu Naomi khan Ruthi kola khan ite tipe nuam ta maka an ruaiin Bethlehem tiang an kîr nôk tâk a ni.

**4. Ruthi'n pasal a nei:-** Naomi le Ruthi chu Bethlehem kha an va tung nôk tâka nuhai khan asân an lei lômlûthai taka kha taka mihai khan hi hih Naomi kha mo ? an lei tia kha khosunga mi irchong tak Boaza an iti pa khan a lei lômhai tak taka. Naomi kha a urêngpa Boaza kuanga khan Ruthi omdân satzia le felna kha satakin a hrilpe taka Boaza khom khan a felzia kha an hriatin asân arngainat taka; khan chu Boaza khan a siahlohai kuanga khan sataka enkol hrang khan a tihai tâk a ni. Khan chu Boaza khan Ruthi kha a enin a omdânhai kha a milung a chuk tak taka; dongma hrangin Ruthi kha Boaza irchongpa khan a nei tâk a ni. Naomi khom Bethlehem khan hlim le lôm takin an om tâka Ruthihai kha nai an hong nei tâka arhming khom Obedia an phua tak ani. Israelhai reng roiinpui tak Davida pu a hong ni tâk a ni.

**Chângvong : Sam. 37 : 5**

**Ir donna :**

1. Naomi irhming omzia imani ?
2. Naomi pasal kha tu mani ?
3. Naomi nai irhming kha imani ?
  4. Naomi moinuhai kha tuhai man nih ?
  5. Davida pu kha tu mani ?

## IRCHULAI - 10

### RUTHI

**A thutum :-** *Mi iamom chu Pathianin lômman a pêk ngai*

**Tep hrang :-** *(Ruthi. 1:1-22; 2:1-9).*

### THUMAHRUAI

Avuan suna ei insir hrang chu mi fel le iamom tak dongmate Ruthi thurchi le ama ata enton rua poimohai ei irchu hrang a ni. Ruthi chu mi fel tak le Pathian iamtu tak mi ani. Khasikin arhming omzia khom “rual” (*Friend*) tina a ni. A thurchi fel uala ei inhriat theina hrangin a bul reng ata toi sarin hi ang hin hril inlang ei ti.-

**1. Ruthi leh Naomi:-** Ruthi hi Moab ram mi a nia dongmate fel tak le iamom tak mi a ni. Abrahama urengpa Harana naipa Lota irchihai an ni. Lota nainu ulian tak chu Moab a nia; (Gen. 19:37) Ruthi irhming omzia khom hi “lungchukna, tâina” “rual” (*Friend*) tina a ni. Moab ram chu Israel ram saktiang tuipui thi sak tianga om a ni. Israel rama khan châmpui a tâka fâk hrang rêng rêng om maka Israel rama Bethlehem kha mi Elimeleka insûngkuahai chu Ruthi omna kha-ah an irthona Elimeleka dongma chu Naomi a ni. Khan nai pasal inhni a neia Mahlona le Kiliona hi an neihai tâk a ni.

Khan chu sôt taka an om hnungin Ruthi le Mahlona chu an irnei taka Kiliona khomin kha taka Moab kha mi ngêt Orpi an iti le khan an irnei nôka. Khannisian Judahai dâna khan nam dang le irnei kha nuam ngai mahaia; Ezra le Nehemia khom khan nupang le pasal irneina chungchânga hin asân an buaipui tak tak a ni. Khaanga irneihai kha inhnung tiang irsentirhai nôk ngai a ni. Khaang dinghmuna khom khan Ruthi le Mahlona chu an la irnei a ni. Khan an pa Elimeleka chu zoro sôt note sũa a hong thi taka khazoi hnunga sôtloiin Mahlona leh Kiliona khom an thi nôk tâk a ni. Naomi le a môihai inhni chu beidong takin an hunhai an hong hmanng taka; Naomi insûngkuahai lak chu hmun hla taka Israel rama om an nia; nupang korong an ni sikin intak an ti ngôi ngôi a ni.

1) **Irlanna hmun:-** Khan Thuthung Luia Israelhai khan chu Temple hi irhlanna hmun anga irngaina an neia; an irhlan dânhai khom lomthu hrilnahai, satvurna le ngennahai, sual ngaidam zongna hrangin Pathian kuanga sa thisen hmangin an irhlan ngai a ni. An irhlan dânhai khom zing tiang le zân tiang hin an irhlan ual ngaia an irhlanna dungzuiin sa thisen khom a dang dang thisen hi hmangin an irhlan ngai a ni.

2) **An chongchai dân:-** Israelhai khan Pathian kuanga an chongchaina khom khan Nam hranga le mimal hranga satvurna ni hrang khan asân an zong uar ngaia; chongchaina khom nitin Pathian Biak buka feiin an chongchâi ngai a ni.

3) **Pathian Thu an tep dân:-** Aphut taka khan chu Israelhai khan thusôm pêk khêla khan chu tep hrang hi nei ual ngai ma-haia; khang khan an hunhai hong hmang zêlin inhnung tiang chu Pathian Thu khom hi belsa thiaiin kha an lekha bu a khan Pathian thiltho roiinpui dân a mihai le a namhai a hruaisuaka; nama a siamhai dân kha Temple-ah khan an irngai ual ngai a ni.

4) **Hla an sak lam:-** Pathian khan an hranga thil roiinpui tak a tho ngai ti an inhriat sika khan Pathian an inpâk ngaia; Pathian an inpâkna a khan irhaihoi tam takhai hmangin Khuanghai, darbenthek, totorôt, le parkuanghai le irhaihoi chi dang dang le khan Pathian an inpâk ngai a ni

5) **Kût an hmang dân:-** Israelhai khan kum tinin kût chi dang danghai an hmang ngaia kût ti hi a tûn lai ei ni Christmas ei hmang ngai ang hi a nia; Khaanga kût kha Israelhai khan kum tinin roiinpui takin an hmang sa ngai a ni. kha hmuna khan kût an hmang ni a khan an neinunhai le thil imani ra masa le thil sa tak tak loaia thilhai khom kha an inhlan sa ngai a ni.

**Chângvong : Sam 84:1-2**

**Irdonna :**

1. Temple roiinpui tak inding masa tak kha tumani kha ?
2. Temple voihnina khan tunmo an ding kha ?

## SEN THUMNA

### PATHIAN MIHAIIN PATHIAN AN BIAK DÂN

#### IRCHULAI - 11

### BIAK BUKA PATHIAN AN BIAK DÂN

**A thutum :-** *Mitinin Pathian Biak poimo inhriattirna*

**Tep hrang :-** *(Fesuak 25:8, 9; 26:1-37).*

#### THUMAHRUAI

Avuana ei in sîr hrang chu Koiindang turchi a nia; Koiindang hi mani nuama inding thei ni maka; Koiindang hi Pathian ta a ni sikin Pathian inding a ni. Khang khan Koiindang ti chu mipuihai irbuk khoma Pathian biakna hmun a ni. Koiindang hi itina mani ? Koiindang hi imo a poimona tak ? Koiindang hi a poimo tak taka Pathian Biakna hmun irthiang tak Biak In khom Koiindang sunga a iom ngai a ni. Khasikin Kristianhai vai ni loiin sakhua dang danghai komin Pathian biakna hmun dang dang an nei ngai a ni.

1. **Biak bûk irphutna:-** Biak bûk ti hi hril dân dang dang a oma; an lar ual tak chu Hebrai chonga “*Mishkan*” ti hi a ni. a omzia khom “*Ombualna le Omna*” hmun tina a ni. Rabbihai ngaidâna chu mihringhai kuanga Pathian omna hmun inhrip tak anga irngai a ni. Greek chonga “*Skene le Skenoun*” ti hi “*Bokte, inte*” tina le thu hmun a ni (Thup. 21:3) Mosia le a hruaituhai Israel ram châra an fe laiin an fêna hmun tina Biak in puanin angin siam a ni ngai a ni (Fesuak. 35:40)-na hin Biak bûk inding hrang dân thurchi khom fel takin hmu thei a ni (Fesuak. 25:27) na khan Pathian nuam dân ochaihai le Biak bûk siam hrang dân khom fel takin hmu thei a ni. Hi Biak bûk hmang a hin irthiang taka Pathian an naina hmun a ni. Sinai tâng irthoka Solomona Jerusalem temple inding tena hin Israel naihaiin Pathian kuanga sual inthôna hmun anga hmang a ni.

2. **A pâla Pathian Biakna:-** Khan rammual pumpuia hin Kristian omna kipa Pathian Biakna Biak in hi siamin a om ngai a ni. Khasikin Biak in ti hi mihriam phua chopu siam ni ngai maka; hi anga biak ina ei inkhôm ngai khom hi Pathianin a mihai le a nuam lam thothuai tho hrang lama lei ihrilhai sai a ni. Khasikin, mipui tam takhai biak ina fe khôm in Pathian hi ei ibiak ngai a nia; Jisua

biak dân hi a lei om sai diam tâk a ni. Aigupta irthoka a kaihraina hai le asintho hranga inkoltirna irthokin an fena rikipa ram châra khom khan Pathian biak buk siam hrangin thu a pêkhai a ni. Kha Biak in kha Pathian le irpôlna hranga siam a ni angin a mihai khomin Pathian kha an biak ngaia thurchi Sa kha inpuang darin an om mai ngai a ni.

**3. Biak bûk siam hrang dân:-** Pathian Biak buk siam hrang dân chu hi anghin a hrilhai a ni. Asei dân 45 fit arza dân 15fit. arsang dân 15fit. hiang hin a hril pehai a ni. Asin hrang dân khom le a banghai khom rangkachak tuia inluan ni hrangin a hrilhai a ni. A chung a cilling khom puantêr kha hmang ni a ta a chung a hrangin kêl mul puana siam kha hmangsa hranga ti ani. A sunga pindan an iti khom hi inhnia siam ni a ta a sunga omhai kha chu hmun irthiang tak a ni hrang a ni. Hi a sũa hmun irthiang taka hin Pathian omna ni a ta, Pathian Biaktuhai khomin kha hmuna khan lungni takin an ibiak hrang a ni. Israelhai khan hi Biak bûk hi irbôlna hrang khomin an hmang ngaia; Israelhai khan mani nuamna le mani inditna taka khan irbôlna nei ngai mahaia kha Pathian bial buk ngêta khan irbolna khom an inei ngai a ni. Hi irbôlna-ah an ihmang tak chu soal ngaidamna le satvurna an dong theina hranga an irbôl ngai a ni. Khaang khan an irbôl dân khom an nuam huna irbôlnahai kha hmang loiin hun bi siamin an irbôl ngai a ni.

**4. Pathian Biak suam a nangna:-** Khan Israelhai khan an thon-sualnahai le an thonchainahai kha Pathian biak in a khan fe an ta ochaihai kuanga khan soal ngaidamna an nei ngai a ni. Khaang khan an neinunhai le thilhai khom kha bu mani thil tinrênghai a ra masa takhai kha Pathian kuang an inhlân ngaia; Israelhai kha an sinthona rikipa khan irpumkhata Pathian biaka sin kha an tho ngaia, khaanga pumkhata oma Pathian Biak kha a poimo tak tak a ni. Asan chu Israelhai kha doitu râl tam takhai an nei sikin; an mani irpum khata om kha asân a poimo'n an inhriat ani. Khasikin mihriam hi hmun khata om ti nôn chu irrualna hi a om thei ngai loi a ni. Mihriam hi a ruala oma Pathian hi hmun khata biak hrangin a inuam tak tak a ni. Khasikin Pathian biak hi lung irrual taka oma Pathian ei ibiak ngai hrang hi a poimo tak tak a ni.

**Chângvong : Hebrai . 10 :25**

**Irdonna :**

1. Biak in sin hrang dân kha itin mo an hrilhai kha ?
2. Biak in sũa puan kha idôrin mo sin hranga hril ?
3. Biak In chopui le a banghai kha itina siam hranga a hrilhai

## IRCHULAI - 12

### TEMPLEA PATHIAN AN BIAK DÂN

**A thutum :- Temple poimona**

**Tep hrang :- (II Thurchi 29:18-36; Sam. 84:1-10).**

### THUMAHRUAI

Avuan sũa ei insir hrang chu Temple roiinpui tak thurchi ei irngai hrang a ni. Chong irdona hong nei ei ti. Temple hi imani ? Temple roiinpui tak hi nin hmu ta ngai mo ? Temple hi eini Kristianhai vaiin nei ngai mak meia sakhua dang danghai khomin mani Pathian biakna hrangin Temple roiinpui tak tak hi an siam ngai a ni. Khaang khan ei rama khom hin hi anga Temple roiinpui tak tak le lian tak takhai khom hi ei hmu thei taka; hmun danghaia khom hi anga Temple Pathian biakna roiinpui tak tak hi tam tak aom a ni.

**1. Israel naihaiin Temple inthum an siam:-** Khan Israel naihai khan Babulon sala an intâng sũa khan ram kara invaiin an oma; kha hmun a khan Pathian Biakna hranga khan (sinakok) puanin kha an siama Pathian an biak ngaia. Kanan ram an lua zoia khom khan sôt tak biakin inkhômna hmun nei loiin an la om a ni. Khaang khan hong om maiin kum 966 BC -ah khan Solomon-in Temple roiinpui tak a hong siam tâka kha biak in a khan Pathian biakin thil irhlan le irbôlna tam takhai hmangin an om sup sup ngai a ni. Kha Temple kha Solomon Temple tia inhriat inlar uala om a nia; kha Solomon Temple roiinpui tak kha zoro sôt note a ni hnungin rêng Nebukadnazara khan an siatpai noka Babulon sala intângana ata an suak nôk tena kum 523 BC khan Temple kha inding nôk a ni. Kha taka a hruaitu tak chu Jerubabela hi a ni. kha temple kha Jerubabel temple tia inhriat a ni nôk tâka. Jisua Krista suak mân tiang viat khan kum 20 BC khan Heroda khan kha Temple kha insiat nôkin matona neka lian ual le roiinpui ualin a sin nôk tâka. Kha Biakin kha kum 80 vêl a sina a roiinpui tak tak a ni.

**2. Temple-ah Pathian an Biak dân:-** Israelhai khan Jerusalem Temple ah khan Pathian an Biak ngaia an Pathian Biak dân chu irangna tam tak khom a oma irang loina khom a tam a ni. Pathian an biak dân chu hi ang hin a ni.

**2. Pathian bôm irsiamna:-** Mosian Aigupta ram ata irthokin Israel naihai ramchâra hruai suak a ni laia khan Mosia kuanga khan Pathianin kha bôm kha siam hrangin a hril a ni. Khan Mosia kha a siam hrang lam le a lian hrang lam khom Pathianin a hril vinga. Kha bôm kha Pathian ata siam suak a ni sikin Pathian Bôm tia irhming phua ni. Hi bôm hi thing sa tak takhai le siam suak a nia; aseï lam khom hlam hni le bân tak le a lian lam khom hlam hni le bân taka lian le sei a ni. Arsâng dânhai khom hiang dôr ngeta siam a nia; an bônna khom chu rangkachak le inluan a nia a pumhai khom le a kehai khom kha rangkachak irkual le siam a nia; khan arzônna khom kha rangkachak le siam a ni sa a ni. Kha Pathian bôm chungka khan “*zarngaina toihmun*” an ti ang kha sia a nia; kha khan Angel chabi dūr ansia sa a ni. Kha Pathian Thuthung bôm kha mipui isiam ni maka mistiri thei tak Bezolela siam a ni.

**3. Pathian bôm sũaga thil omhai:-** Hi Pathian bôm sũaga hin thil poimo chi thum sia a nia; 1. Thusômpêk 2. Arona khianghrol 3. Manna bêl-hai hi an sia ngai a ni. Thusômpêk hi Mosian Sinai tânga lung phêka irziak a nia; Pathian dân a mihai zôm hranga a ipêk a ni. Arona hi Mosia upa a nia; khasikin Arona changpui hrang khan Mosia kha a hong iruat a ni. Khan ochai hranga siam a ni ti inhriat theina hrangin Pathianin a khiang hrol chu an choitira; sintho theina kha khan a om tâk a ni. Khan Manna chu ramkara an oma fâk hrang an nei loi laia Pathianin Israel mihai khopna hranga a ipêkhai kha a ni. Pathian bôm hi an kuanga Pathian a om mai tina a entirna tak chu a ni.

**4. Pathian bôm irthoka thil irkhêlhai:-** Khan voikhat chu Palistian mihai le Israelhai kha an irdoia Palistian mihai kha inhne mahaia; Palistian mihai khan Pathian bôm kha an lâk paipêhai tâk a ni. Kha bôma khan an millim biak Dragon millim kha an sia taka. Khan ziang tiang an va eiin chu Dragon kha bôma an isia kha inril saiin a bân inhni kha lampui bula khan irthek rakin an hmu taka; khan chu an chi tak taka khabana thuthung bôm omna kola mihai le kha kôl vêla mi omhai kha natna chi tam takin a kophai tâk a ni. Kha tena chu Paliastian hai khan kha Thuthung bôm kha Israelhai kha khâipai hrangin an ngênhai nôk tâk a ni. Khan chu Israelhai khan an choi nôk taka Jerusalem tiang an panpui nôk taka kha khan mi inkhat Uza an iti khan bôm kha a tona irning loiin a hong thi tâk a ni.

## IRCHULAI - 13

### OCHAIHAI PATHIAN AN BIAK DÂN

**A thutum :-** *Pathian Biakna-ah hruaitu poimona*

**Tep hrang :-** *(Fes. 28:6-21; 29,30; 29:1-7).*

### THUMAHRUAI

Hapta masa-ah Pathian ni-ah khan Temple-ah Pathian Biak dân le a poimona tihai le a pâla Pathian biak poimona le Biak buk sin hrang dânhai ei irngai taka; khasikin Pathian biak hi mani nuam hun le irman zoro vaia Pathian hi biak hrang ni maka, ti thuhai khom hrilsa ving a ni tâk a ni. Khaang khan a vuana ei irchu hrang chu mi poimo tak takhai Pathian an biak dân le Pathian Biak buk an ipoimotirzia thuhai ei irngai hrang a ni. A thu hi eiinhriat infel ual theina hrangin tôi sar sarin zu tarlang ei ti-

**1. Ochai hong irphutna:-** Khan Israelhai Kanan ram an lût tena khan chu Ochai sinthona sin hi Levi irchi bik hranga sia a nia; ochai sinthona hin Urim le thumin enkol le dân irchutir a ihuam sa ngai a ni (Duet. 33:8-10) Urim le thumin hi ochaihai rôpa an irbel ngai a nia; tasânna anga an ihmang ngai a ni. Khan an ni kuanga khan lung man tam phêk inhni a oma; sirkhata lung kha a sia le sa tâna a nia; sirkhat chu sa mak tâna a ni. Kha lung kha ochaihaiin Pathian biak zoroa an inhngak ngai tak chu “*Ephod*” tia inhriat a ni. Ochai inlal tak chu Pathian le mihring kara palai a ni sikin a dâr inhni tianga khan Israel nam aiôa lung phêk kha inhni arbel hrang a ni. Kha khan songkol irfual a pôl indum khom bun ata a songkol hmora hin kal an choi zoro-ah arhâi om hrangin thil imani khom an inkhop sa ngai a ni. A lukhuma khom khan rangkachak phêk hi “*Irtha’rngamna hi Rengpa ta*” ti irziak hi a irbel sa hrang a nia; ochai hin ama le midang soal ngaidamna sa thisen hmangin Temple hmuna irthiang takin irhlanna a nei ngai a ni.

**2. Pathian Biak buka sintho bik hranga inthangna:-** Bathian Biak buka sintho bik hranga inthang chu Levi irchihai hi an nia; Hihai hi ochai irchi tia irhming khoma koi thei ngai an ni. Ochai hi mani nuama chang

thei chi ni maka; Pathian inthang an ni. Kha baka archi pial khom a iom ngai a nia; Israelhai irchihai sũanga hruaituhai lâi ata inthang suak an ni ngai a ni. A bîkin Israel irchi laia khom khan Levi irchi bîk hranga inthang ani sa ngaia. Nam dang irchihai chu felzap khom sianlan ochai irchi an nino sikin ochai nina kha an ichang thei ngailoi a ni. Ochai irchihai hi chu an omna bîk le an ram bîk hi an inei thei ngai loi a nia mipuihai hruaitu an ni baka mipuihai ram sũanga omin an thil neihai soma inkhat an ipêkhai kha an dongtum a ni ngai sikin an ni chu ram inthang bîk an inei ngai loi a ni.

**3. Ochai sintho le poimona:-** Khan Israelhaiin Pathian an biakna a poimo tak le an in nang tak chu sa thisena inthoina sin hi a ni. Anni chu loisintho le Sâ le ranhai vâi mi an ni sikin, kha an ran nunghai kha a pêktu Pathian aiôa irthokin ochai kha an ipêk ngai a nia; ochaihai hin inhlanna khela khom sin dang hi a nei nôk ngai a ni. Ochaihai khan an sintum tak chu Pathian biak bûk irthiang taka en kôl hrang le Pathian nuam dâna sintho hranga sintum an ni. Kha baka mipuihai enkolna sintho le Pathian Thu inhriattirtu ni hrangin an iphunhai ngai a nia; Pathian khomin a inuamhai ngai a ni. Khaang khan Israelhai kha ochai a boiin chu Pathian kha an ibiak thei ngai loi a ni. Khalai khan chu a tũn laia Pathian Thu sermon ei iti anghi khom om ngai maka; mitinin biak buka khom sinthona nei thei ni ual ngai mak a ni. Itinrêng hi Pathian iruat ochaihai vaiin an itho thei ngai a nia; ochaihai laia khom hin chi thum an om ngai a ni. Hihai hih an ni- 1) Ochai naran 2) Ochai rêng 3) ochai inlal tak, hai hi an ni. Hi ochaihai hin irvo dân bîk khom an nei ngaia; ochai an ni le niloi khom inhriat thei zôizel ngai a ni. Hi ochaihai hi mitinin an inza ngaia. Irthiang taka om an ni sikin, Pathian nuamlam thotu tak khom an nia mi papai an ni nozia kha inhriat thei a ni ngai a ni.

**Changvông: Heb. 4 : 15**

**Ir donna:-**

1. Ochai hi tu inthang man nih ?
2. Ochai hi chi iza mo an om ngai kha ?
3. Ochai ani le niloi kha itin mo an inhriat thei ngai kha ?
4. Israelhai kha i thil hmangin mo an inthoi ngai kha ?

## IRCHULAI - 14

### THUTHUNG BÔM (PATHIAN BÔM)

**A thutum :- Thuthung bôm poimozia**

**Tep hrang :- (Fes. 25:10-22; 26:34; I Reng. 8:6).**

### THUMAHRUAI

Hapta masa-ah Pathian ni-a khan Temple-ah Pathian Biak dân le a poimona tihai a pâla Pathian biak poimona le Biak buk sin hrang dânhai ei irngai tâka avuan chu kha Temple-ah an hmangrua hranga Pathianin a ihrilhai kha ei irchu hrang a ni. Kha Temple sũanga hmangrua poimo tak le kâm nang tak chu Thurthung Bôm kha a nia; Thuthung bôm ti chu atun laia eini Bible ei ti ang hi a nia; khalai khan chu Bible an la nei ngai no sikin Thuthung bôm kha poimo tak le roiinpui tak anga an ihmang ngai a ni.

**1. Thuthung bôm irzir dân:-** Thuthung bôm Pathian bôm ti hi Bible-ah irhming dang dangin ei hmua; (Duet. 10:8) hin chu “*Rengpa Thuthung bôm*” tiin ei hmu a ni. Khan (Exod. 25:10)-ah hin chu Bôm ti ringot khom hin hmu thei a nia; Heb. 9:4-ah hin chu Thuthungna bôm tiin a om a ni. I Samu. 4:6-ah hin chu Rengpa bôm tiin hril a ni. Ikhomnisian, avuana ei ihril hrang tak chu Pathian bôm tiin ei ihril hrang a ni. Israelhai laia thil poimo tak chu Pathian bôm ti ania, kha kha hmun irthiang taka an sia ngaia; khan kha bôm kha a nangin chu Levi irchihai khan an irzôn ngai a ni (Numb. 3:31) Mosia’n ramchara a fepuihai laia khan an choia Kanan mihai an doina khom khan an hmang a ni. Silo khua a khan an sia ngai ani. Khan rôirêltuhai zoroa khan chu Bethle-hem a khan sia a nia; (Roirel. 20:26) Israelhaiin Palistianhai doina khom khan an choisa a ni. Khan kha Thuthung bôm kha Palistian mihai khan an lâkpai pehaia khan Palistianhai kha an tuara asân intakna an tuang tâk sikin an pêk khirhai nôk a ni. Kha hnunga chu Kiriathjearim hmuna an sia nôka Davida hin Jerusalem hmuna asia nôk tâk a ni. Solomon pindan irsâng taka khan an sia taka. Khan-nisian Babulon mihai khan kum 586 BC-ah khan kha bôm kha an laka irhmangin a om nôka. Aniachu, babulon insiattir ngêt tihi fel takin inhriat an taka; kha laia khan Judahai khan an thup inrûk mo a ini hrang ti khom hi inhriat infel thei ni mak a ni. Ikhomnisian a

**SEN MINLINA****JISUA KRISTA SINTHO THEITU**

IRCHULAI - 16

JISUA HLEMNA A TOKA HNENAA

CHANG

A thutum :- *Setana'n Jisua ngam mak.*

Tep hrang :- (Matt. 4:1-11; Mk. 1:12,13; Lk. 4:1-13).

**THUMAHRUAI**

Avuana ei in sîr hrang chu hlemna ti a nia; hlêmna ti hi rual le mani nuamna irthoka hong suak ngai ani. Hi hlêmna a hin mitam tak siatna an tungtir ngai a ni. Kha hlêmna kha mihriampum a hin asân sinthotheina a nei ngaia; rualhai mani, mani lungrila khan sin a hong tho'n chu Pathian lungzai le inkhom rêng rêng fe nuamnahai kha a hong iom ngai loi a ni. Kha hlêmna khan mi tam tak kola milak thonain lungril a hong zôi ngaia a mongna tiang chu mitam takhai lungril kha sualnain sin a hong thoa chapna a hong chang ngai a ni.-

**1. Jisua hlem irphutna:-** Khan Jisua kha hlêmna tok hrangin a hong irphut taka Olive tâng ramchâra khan sual inhne nona hmuna khan hruaiin a om taka; kha hmuna kha Hebrai chongin "*Jeshimon*" tiin an phua a ni. Kha "*Jeshimon*" ti chu hmuna siat remrum tina a nia; kha hmuna kha lung lianpapa irsâng tak tak omna hmuna a ni. Hi ramchârna hmuna hi 55km vela sei 30 km vela irza a nia; saktiang khom tuipui thi dena irzom a nia. Khannisian, a tokna tak kha chu inhriat ni mak a ni. Aniachu Jeriko kua hmar tianga tâng inkhat chu "*Hlemna tokna tâng*" an phua taka. Khan kha ram irthiang tak lut hranga beituhaian "*somminli tang an phua*" nok taka; khu hmuna a khan Jisua huangin a om hnung khom khan congchaina hmuna an la hman mai a ni.

**2. Ramchâra Jisua a fe:-** Hi Palistian rama hin hi anga ramchâr hi asân a tama; thil tinreng mông theiloina ram ang dôra om a ni. Hi hmuna a hin Jisua khom hruaiin a oma sîn sôm minli ite fâk zong loiin a om tak a ni. Kha hmuna khan Diabola le setana khom an va fe taka; Setana hin Jisua hi Pathian Naipa saninhringna pêk

tak a dongpuia. Khan tam tak a dongpui sikin Davida khom khan a ina sia lût a tum tâka. Kha tena chu rêng ina khan roiinpui takin an irzôninlût taka totorôthai tumin inthônahai neiin mipui irhai inhning dūr durin rêng Davida khom kha bôm hmaia khan lamin an sia tâk a ni. Davida naipa Solomon rêng a hong chang khan Temple roiinpui tak asina Temple sũa toihmun inlalna tak hmuna irthiang an tina hmuna an siatirhai taka. Hi hmuna hi sũmphâihai ituamin Rengpa Pathian chu an kuanga a zuang inlang ngai a ni.

Changvông: II Samuel. 6:15

**Irdonna:-**

1. Pathian bôm lian lam le sei lam kha idôr mo a ni kha ?
2. Pathian bôm sũa khan imo an sia kha ?
3. Pathian bôm kha imo a entîr kha ?
4. Palistianhai kuanga bôm a omlaia khan imo thil irkhêl a tungpehai kha ?

## IRCHULAI - 15

### KRISTIAN INKHÔM

**A thutum :-** *Pathian Biakna hi iamtuhai om dân tak a ni.*

**Tep hrang :-** *(Sintho. 2:42-47).*

#### THUMAHRUAI

Koiindanghai laia Pathian Biak hi iamtuhai le Kristianhai tho dân tak a ni. Khannisian, mi sen tam takhaiin Kristian ni sia Pathian ni Sûn mani zoro dang danga khom Biak in kê nuamloi mi hi an tam a ni. Khaang kha chu Kristian om dân ni maka; mimal ngaituana le innun dân a ni. Kristianhai om dân hrang poimo tak chu mihai kara mâni om dân Sâ irhmutir hi a poimo tak a ni. Mâni nuam dân le mani nun dân anga zoro hi hmang loia irchûna lama fethiai hrangin ani nuam ani. Om dân sataka in nun dân ei inhriat thei ualna hrangin tôi sar sarin zu tarlang tum ei ti-

**1. Inkhôm hong irphut dân:-** Babulon Temple siat hnunga khan Babulon le Medetarian ram vela Judahai kha irthek indarin an om taka; kha irthok ata kha sabbatni (Pathianni) hi Pathian biakna nikhua hrangin Sinagog an itia khan an hong hmang tâk a ni. Hi sinagog an iti a hin mimala inkhômna hmang loiin, an rengin mipuihai kha irrualin Pathian an inpâk ngai a ni. Hmun dang danga kho lian ualnahai khan chu Sinagog an iti hi an nei in tam ngai. Khan Jisua Krista hi irneng chung a omlai khan sinagog Pathian Biakna hi asân an uar ngai a ni. Kha taka irthokin Koiindang a pâla inkhôm kha an suiirzom mai tâk a ni (Sinthohai. 2:42-47; I Kor. 12:14). Kha tena chu sabbatni kha Pathian biakna nikhua bik ual hmang loiin Jisua thoinôkni kha an hong ihmang tâk a ni. Kha taka an hong ihmang dân tak chu Pathian Thu tep le Koiindang hruaituhai le lekha tephai hi ani. (Kol 4:16; Ephesi 5:19)-ah khan fuina thuhai chong inhriat loi chong hrilfiana (I Kor. 14:27;28)-ah khan chongchai irruala Rengpa zân buhai an fâk ngai a ni. Khaang khan Koiindang hong irzir dân le iamtuhai Biak buka Pathian biak dân chu a ni.

**2. Jisua Krista iamtuhaiin Koiindang an inding:-** Tianlai Thuthung Lui lài khan chu atûna Koiindang eiti ang hi la om ngai maka; khannisian Jisua Krista kha Israelhai laia khan a zuanga

thuhai a zuang insîra mi tam tak khan leien nuam mahaia a nuam loitupâlhai khan Jisua Krista saninzôkna thu insîr kha Kros-ah hemdein a oma; thâna zâlin sùn thum hnunga chu a hong thoi nôk taka; thân ata a thoinok hnungin archutirtu tam takhai kuanga khan a zuang inlar noka; Jisua kha irvâna a fe hnung khan ama iamtuhai kha chu a ompuihai maia; an hong pung tîr tîra an hong irbuk khomin kha taka irthokin Pathian mi inthang le iamtuhai an hong omin Koiindang tin an hong phun indet le phut tâk a ni.

**3. Biak ina an fena san:-** Iamtu Kristianhai khan lung irruai takin nitin Pathian Biak ina fein Pathian an biak ngaia; khan chu mihai kha an hong pung thiai taka; Jisua Krista hong iam murdihai kha Baptisma an hong chang thiai tâk a ni. Kha khan Pathian Biak hranga fe murdihai chu Pathian Thuhai kha an tepa kha bâka Jisua Krista Mihriam Naipa a ni ziahai thu le Jisua Krista kha an iama saninzôk an nihrang thu hai kha an irchu ngai a ni. Khaang khan Jisua Krista thurchi kha hong insîr maiin irchutirtuhai thuhail kha mitam takhai khan an irngai nuam taka Jisua Krista kha hong iamin Koiindang khom an hong pung tîr tîr tâk a ni.

**4. Iripôlkhom inlâpna le satna:-** Khan iamtuhai hin Biak in sunga vai ni loiin, insûnga khom Pathian irpôl khômna an nei ngaia; Pathian an inpâkna le Thurchi Sa an ihrilna a hin asân inlapna an hmupui tak taka. Insûngkua ta hrang khoma hlimna an hmupui tâk a ni. Khan khaang khan hong irruai le hong inpumkhat maiin an laia inrianghai le Meithaihai kha an thil neihai le khan an irchangpui ngai a ni. Pathian Thu an irchûna a khan an lungrila irsiam tharna le hlimna, hâina a hong pêkhai taka; khan chu Jisua Krista thina kha an mâni chung a changsa angin ama inhriatmaina hrangin “Rengpa zânbu Sacrament” an fâk suam taka; kha khan Pathian khomin a hong pôlhai tâk a ni.

**Changvông: Sinthohai. 2:46-47**

**Irdonna:-**

1. Iamtu mihai kha khon mo an fe ngai kha ?
2. Biak in a khan iamtu masâhai kha imo an hril ngai ?
3. Iamtu hai le irpôlkhômna hi imo a poimona tak ?
4. Jisua Krista inhriatmaina hrangin imo an tho ngai ?
5. Atûnlai Koiindang hi kho irthoka hong suak mani ?

## IRCHULAI - 18

### JISUA TUI CHUNGA A FÊ

**A thutum :-** *Jisua sinthotheina hi inzôk rua a ni.*

**Tep hrang :-** *(Mat. 14:22-33; Mk. 6:45-52; Joh. 6:16-20).*

#### THUMAHRUAI

Tui irhliai thei mo nin hmu ta ngai ? Tui irhliai thei hi tam tak an oma rammual a hin tui chung a ke le tui chung a fe thei chu la om ngai mahâi a ni. Aniachu, a avuana ei irchu hrang a hin chu tui chung a ke le irnenga ei ife anga tuichung a fetu Jisua Krista thurchi ei irngai hrang a ni. Kha Galili dil a khom khan so tiang râl kaina hranga khan irkuanghai an hmanga an ikai ngai a ni. Kha anga sintho theina neipu Jisua kha a ni. Khasikin, hi thurchi hih fel uala ei inhriat theina hrangin a bul reng ata toi sarin hi ang hin hril inlang ei ti.-

**1. Irchutirtuhai irkuanga an chuang:-** Jisua Krista Galili dila sin irkhêl a ithohai khom kha hapta masa khan ei in sîr tâka. Khaang dênin khani khom khan mi damloi ram irhli ichelhai khom a indamhai thu ei irchu tâka. Khan a sinthotheina hâi kha mipuihaiin an hmuiin asân an zui sup sup taka; damloihai khom khan an zuia mi sâng tam tak khomin a thuhrii kha irngai hrangin an zui tâk a ni. Khan Jisua kha mipui tam takin an zui sikin ahnugzuituhai khom kha an sôl ta ti kha an hriatin archutirhai le a mipuihai kha Galili ral tianga kâi hrangin a lei tirhai taka; khan Jisua chu a dâina tâng hmûna chongchai hrangin a fe taka; irchutirhai kha irkuanga an chuangtirhaia kha kha mipuihai kha anfe tâka. Khan irchutirhai kha an fe lâi takin phâivua kha a hong thoa; phâivua khan irkuang kha a le tiang a hong sempehai taka; an fêna hrang lam tiang khan fe thei ta loiin, an char a hong dong tâk a ni.

Khan khaang khan a mihai kha an char a dong lâi takin zîng khovâr tînin an omna tiang mi inkhat va pan angin an hmu taka irtha ni ti tiin asân an chi tak taka. Archutirhai kha an kamang khak taka. Khan an kamanglâi takin Jisua kha a hong chongpuihai taka; chi no roi irtharngam takin om roi keima keng ki ni? tiin a hrilhai taka. khanchu, archutirai kha asân an lom tâk a ni.

**2. Tui chung a Petera a fe san:-** Petera hin Jisua nget a ni ti hi an hriatin chu Petera khom hi Jisua anga tui chung a kea fe hrang

anga khan hi chi thumhai hmangin huanga tum tâk a ni Jisua Krista hi-

**a) Lung baia inchangtirtum:-** Kha hmuna khan Jisua kha zoro sôt tak bu nê ta loiin a om ti an hriatin chu setana khan, a phîng khom achâm taka. Khan chu setana khan Jisua sinthotheina a nei mo tiin a fia taka; setana khan Jisua kha ni phîng khom a châm taka Mihriam Naipa nini tak takin chu “*hi lung hi bai inchang ro*” tiin a fia taka; khan chu Jisua kha itinrêng ki tho theia khannisian hi lung hi bai inchang fâk vaiin hring thei ni maka “*Pathian irthoka thu suakin hringna det an nei ual ngai a ni*” tiin a hril tak a ni. Khan chu Jisua kha setana kha a hnol taka Pathian lekhabu hin a khâl tâk a ni.

**b) Inhnina Biakin sîp irsang ata irchom hrangin a hril:-** Khan Diabola hi lam dang hmangin a bei nôk taka; kha Jerusalem Biakin in irsâng tak irzumna irthokin irchôm hrangin a hril nôk taka; Mihriam Naipa ni ni tak tak inchu “*Hi Jerusalem Biakin irzum sîp ata hi irchôm inlan nang an lei intiam hrang vântirtonhaiin nang lei indom an ti*” tiin a bei nôk tâk a ni. Diabola hin a thei tîpin Jisua hi a fia tuma khannisian Jisuan Diabola lungril hi an hriat vinga Diabola “*Ni Pathian hi fia tum no ro*” tiin a hril tâk a ni.

**c) Chubai mûk hranga fiana:-** Khan hi a voithumna khom hin Diabola kha a bei indong loiin Jisua kha huang nok hrangin lampui a zong nok taka. Diabola kha Jisua kha rammual roinpua murdi kha an en tira voikhat chubai ni mûk inlân rammual roinpua hi nangpe ving ki ti tiin a hril nôka Jisua’n Pathian Thu ngêtin a thuan nôka; “*Rengpa ni Pathian chubai mûk inlan ama sin vaih tho ro*” tiin a irziak a ni tiin a hril nôka; kha tena chu diabola kha beidong takin Jisua kha a fe san tak a ni. Pathian Thu le hin Jisua le diabola hi an irbeia Jisua kha setana’n inhetheia maka Pathian Thu ang takin Jisua’n a hril mai tâk a ni.

**Changvông: Sinthohai. 2:46-47**

**Ir donna:-**

1. Jisua kha kho hmuna mo hlêmna a tok masa tak ?
2. Jisua kha ramchâra khan idor mo a om ?
3. Diabola hlêmna chi thumhai kha imani kha ?
4. Diabola kha voithumna hlêma khan itin mo a sâm kha ?
5. Nangni te huangna mo nin tok ngaita ?



## IRCHULAI - 17

## JISUAN PHAIVUAPUI A HAL IRNGAM

**A thutum :-** *Jisua chu itenreng chung a thuneitu a ni.*

**Tep hrang :-** *(Mk 4:35-41; Mat. 8:23-27; Lk. 8:22-25).*

## THUMAHRUAI

Avuana ei insir hrang chu phâivuapui thu ei irngai hrang a nia; phâivuapui chu itin mo a om ngai nin inhriat ngai mo ? Phâivuapui hi ichi om tak tak tiroi? phâivuapui hin itin reng in le loi thingkung le thil dang danghai khom a insiat ngai a ni. Khaang khan hmun dang danga chu phâivua hin khua pumpuihai khom hi insiatin a om ngai a ni. Khaanga phâivuapui kha Jisua hun lai khom khan an toka Jisua'n a hala a irngamtir thu ei irngai hrang a ni.

**1. Galili dila:-** Khan chu Palistian rama hin dîl lian tak Galili dil an iti hi a oma. Kha dil a khan nga tam tak khom an oma an ichelhai ngai a ni. Kha Galili dil an iti a khan nga chela sinthotuhai khom asân an tama. Hi dil a hin Petera, Johana, Andaria, Jakoba-hai hi nga an chel ngai a ni. Khan Galili dil lian zia khom hi a dung 21 km a khang 13km vêl a lian a nia; hi dil kôla hin khua tam tak khom a om a nia; kha taka khan khosûng mihai nga cheltu tam tak khom an om ngai a ni.

**2. Jisua le irchutirtuhai phâivuapuiin a sêmhai:-** Jisua Krista hi kha Galili khua kôla khuahai khan Pathian Thu hrilin a chai vêl ngaia; mipui tam tak khomin an zui mur mur ngai a ni. Khaang khan Jisua kha mipuihaiin an zui mur mur sikin bu le An khom fâk irman loiin a oma a sôl tak tak ngai a ni. Khan sîn khat chu an sôl irngam hrangin irkuang chung a khan an chuang taka; archutirhai le khan an chuanglei takin irning loiin sîn kha a zuang zing thut taka; phâivuapui kha a hong tho taka kha phâivua khan tui le irkuang kha a hong sêm taka tui kha irsokin irkuang kha irlet vâng vângin a hong om taka; irchutirhai kha an char a hong dong taka avuan hin chu kin ithi ving hrang kêng tiin an om tâk a ni.

Khan khaanga an char a dong laiin Jisua chu irkuanga khan a in musu-ah archutirtu tak kha a la in musu kha an hmuin chu asân an char a dong tâka, khan chu "Irchutirtu kin irhmang hrang hi a

tui irsokhai kha a hong irngam taka; archutirtuhai kha asân an lom tâk a ni. Jisua kha a irchutirhai kha itho mo maang dôra nin ichi nin iamna hi itho mo mador a la itôm tiin a hrilhai tâk a ni. Khan Jisua sinthotheina kha an hmuin a irchutirhai khan asân arkhêl an ti taka; hi mi hi imihriam mo a ini? Rammuala thil le phâivuapui le ichi om tak takhai khomin a thu an izôm hite tiin an loma. A mâna nekin an lômna kha a hong irsâng ual ual tâk a ni. Jisua chu itinrêng chung a thu neitu a ni sikin, tinrêng khomin a thu an zôm tak tak a ni. Khasikin Jisua hi ei iama ama thu ei zômin chu chitna le buainahai khom hi tokno mani nuam dân anga om loa Pathian thu zôma nitin mâni hringnun hi irsiamsat mai hi a poimo tak tak a ni ti hi inhriat hrang a poimo a ni. Jisua le chu tinreng thothei a ni sikin chitna rêng rêng hi a iom ngai loi a ni.

**Changvông: Mk. 4:41.**

**Irdonna:-**

1. Galili dîl hi kho hmuna om mani kha ?
2. Galila dil sei lam le lian lam kha idor mani kha ?
3. Jisua'n Phâivuapui kha itin mo a hal irngam kha ?
4. Jisua le archutirhai kha kho hmuna mo phâivuapuiin a hrang

## IRCHULAI - 20

## JISUA LAZARA THI A KAITHOI

**A thutum :-** *Jisua iamtuhai chu an thi khomin kaithoiin an om nôk ngai*

**Tep hrang :-** *(Joh. 11:1-11).*

## THUMAHRUAI

Avuan a ei hril hrang chu mi inkhat a thia thoi nôk thu ei irngai hrang a ni. Khasikin mithi hi mi tam takin chu ei chi ngaia; ei pi le puhai len vâng khan chu mithi om zoro hin bangba a thoi ngai an tia chonghai khom asân an irdin ngai a ni. Khaang khan atun lai hin kha ding hmun kha hong om sianlan itin mo ei om hrang ti hi irngaitua hrang a om a ni. Aniachu, ei Bible a hin kha anga thi-ah thoi nôk mi hi a oma.Lazara kha a ni. Hi thu hi ei inhriat thei ualna hrangin toi sar sarin zu tarlang ei ti-

**1. Lazara thurchi:-** Hi Lazara hi Palistian mihai laia Juda nam laia chu irhming inlâr tak ania.Hi Lazara hi Elizer tia koi ngai a ni.Lazara ti omzia khom hi “Pathian chu changpuitu” a ni tîna a ni. Khaang khan ei Bible a Gospel ziak a hin irhming irang mi inhni an oma Lazara le irchongpa thu khan hmu ani. Kha Lazara kha Jisua urengpa Bethani khua om ngai kha a ni.Aniachu, a vuana ei insir hrang hi chu Lazara inhnina Mari le Marthi nuchâpa Lazara thurchi hi a ni.

**2. Lazara kaithoina:-**Khan Judahai dân a hin chu mithihai irtha hi sùn thum a ni maka artha hi rot ngai ma tiin an hrila; khaang khan Lazara hi thiin sùn minli thân khura lei phûm a ni taka. Kha sikin Judahai ngaidanin chu artha khom lei rot hranga lei iam tak a ni.Khan chu Jisua khan Lazara thi kha an hriatin chu Jerusalem ata Bethani khua khan a va fe taka; Jisua kha Bethani a va tungin chu Mari khan Rengpa kin kôla ni iom nisanlan chu kin nuchapa Lazara hi thi no ni tiin a hril taka; Khan chu Jisuan an kuanga khan nin nuchapa hi thoi nôk a ti tiin a hrilhaia; Jisuan a thân chungalung hi kaipai roi a tipehaia; khan chu an khâipaia, Jisua khan inring

Jisua khan hong ro ba tiin a sâm tâka;Petera'n lôm takin irkuang ata chumin a fe taka; Jisua le khan tui chungalung panin an fe tâk a ni. Khan chu irchutir danghai khan an hmuin chu arkhêl an ti tak taka, Peter khan Jisua ke bula tui irsôk le phâivuahai kha a enin a chi tâka a lungril chitna asipa artha a hong tâk pe taka, “Rengpa ni san inzok rô” tiin a hril tâk a ni. Khan chu Jisua kha a bân a va pêka a chel taka.Jisuan nang iamna tôm? itho mo ni ichi tiin a hrila. Khan chu irkuanga khan a luipui nôk taka; Jisua kha irkuanga a kâiin chu phâivuapui kha a hong irngam tak a ni. Irkuanga omhai khomin asân arkhel an ti tak taka; Pathian Naipa ngêt a ni ti kha an iam ngit tâk a ni.

**Changvông:- (Joh.11:40).**

**Irdonna:**

- 1.Itho sika mo irchutirhaiin dil lâia khan an charaidong?
- 2.Tui chungalung khan Jisua kha itin mo an hmu?
- 3.Itho sika mo Petera kha tui chungalung khan ngim hrang aitho?
- 4.Jisua le fêsuam a poimona imani?



## IRCHULAI - 19

## JISUAN TUI UAIN AN CHANG

**A thutum :-** *Jisua'n insûngkua innanghai an hriat.*

**Tep hrang :-** *(Joh. 2:1-11).*

## THUMAHRUAI

Avuana ei insir hrang chu Jisua'n sin irkhêl a thôna masa tak thu ei irngai hrang a ni. Galili rama khua inkhat a oma kha khua kha Kanna khua a ni. Kha khua a khan inneina a oma in neina khan Jisua khom a changa. Kha inneina khan mipuihai ta hrang khan ûain hi a tôm tâk ti'n Jisua anhriata. Khanchu sinthotuhai kuanga khan tui lâk hrangin a hril haia tui kha Jisuan sat a vura ûain an changtirpehai tâk a ni. Khasikin, hi thurchi hih fel uala ei inhriat theina hrangin tôi sarin hiang hin hril inlang ei ti.-

**1. Kanna khua-ah inneina :-** Tianlai rammuala jisua a lêng lâia khan Kanna khua a hin inneina a oma. Kha inneina khan Jisua khom a va changsa taka. Kanna ti omzia tak chu "sa bu" tîna a ni. Hi Kanna khua mihai hi Juda nam mi an nia; Judahaiin chu hianga inneina hi asân an roinputir ngaia, môl lômna hun khom hi sùn sari an châmpui ngai a ni. Kha sùn sari sùng khan mipui tam tak moi neituhai in a khan an pung khôm ngaia, hruaithe an nei ngaia. Khan inneina taka changtu mipuihai khom kha inneina tukfam hi an nei chit ngaia, inneina tukfam bun no chu ruai khom kha an ifak thei ngai loi a ni. Kha mipuihai khan bâttî (*lamp*) kha choiin moi kha an zui mur mur ngai a ni. Mipuihai khan khuang, perkhuang, le seranda leh irhaihoihai hmangin moi kha zuiin a hnunga khan an lam sup supin an zuikhôma hlâ an isak ngai a ni.

**2. Tui Uain an chang:-** Juda-hai khan chu Grep sômna tui hi inneina khan an sem ngaia Grep khom an rama khan a tam tak tak a ni. Kha Grep kha an sôma a tui kha uain an inchang ngai a ni. Atûn lâia eini chatui ei Ihmang ngai ang hin bunêk mân le bunek zoia khan an iin ngai a ni. Judahai khan roihai an neina rikipa hin uain kha an isem ngêt ngai a nia; kha uain kha inrui thei thil a ni sikin,

Kha ang khan roihai an nei hranga hin uain hi an lei isiam zoi diam tak ngai a ni sikin, kha inneina khom khan siam sain an lei sia taka. Khannisian mipui tam tak kha inneina khan an hong pung ual tâk sikin an uainhai kha hong ruk zoi ta maka; moineituhai kha asân an char a dong tâk a ni Khannisian, hi moi lômna hmuna hin Jisua a nu le pa hai khom an chang sa-ah khan kha inneina a khan uain sem hrang kha a tôm tâk ti kha Mari khan an hriatin chu Jisua kha a hrila; khanchu Jisua khan kha taka Sinthotuhai kuanga khan tui bêl kiruk kha tui insip hrangin a hrilhaia. khanchu tuibel kha an insipin chu Jisuan sat a vur taka tui kha ûain a hong chang tâk ani. Khan Jisuan mipuihai kha semhai hrangin a hrilhaia taka, mipui tam tak le moi neituhai khan an enin Jisua sin irkhel tho kha asân arkhel an ti taka lôm khom anti tâk a ni. Khaang khan Jisuan Kanna khua sin irkhel a thona masa tak khom a ni tâk a ni.

**Changvông:- (Joh. 2 : 11).**

I r -

**donna:**

1. Kho khua mo Jisuan tui ûain an chang kha ?
2. Kanna khua ti irhming omzia kha imani kha ?
3. Kanna khua inneina khan Jisuan imo a siampehai kha ?
4. An innang kha tun mo a ihril kha Jisua kha ?
5. Jisua bel idor mo tui uain an changtir kha ?

---

## IRCHULAI - 22

## JISUAN SUROPHOINIKI NAINU AN DAM

**A thutum :-** *Jisuan ama iam murdihai chu changpui a nuam*

**Tep hrang :-** *(Mk. 7:24-30; Mat. 15:21-28).*

## THUMAHRUAI

Avuana ei insir hrang chu nupang inkhat Surophoiniki thurchi ani. Hi nupang khom hi damno ramhuai iman a nia, ramhuaihai hi mani mimal inbuaitirtu tak an ni ngaia. Khasikin hi nupangnu khom hi kha anga ramhuaiin a mana, asân an takpea krista thurchihai hi irngainuamna lungril hi nei nuam ngai maka. Khabâka mihai ta hrang khoma intakna a intungtir ngai a ni. Khasikin hi anga intak tuangtuhai kha Jisua hin a sân a lungkham ngaia a ichangpui nuam ngai a ni.

**1. Surophoiniki omzia:-** Hi nupangnu irhming tak chu Suro Phoiniki ti hi a omna khua irhming a nia arhming tak chu inhriat thei nimaka.. Khan hi taka Phoiniki tia ei ihmu hi Africa rama hmâr sak tiang rama om a ni. Hi hmun hi Liby Phoiniki tin arhming a om a ni. Khaang khan hi Phoiniki ti hi ngai dân irzel loina hrangin Marka ziaka hin hmu thei a nia; Suro-phoiniki ti'n a hril a ni. Hi mi hi Suria ram sũa Phoiniki hi a om sikin Surophoiniki tin a om tâk a ni ti'n iam a oma. Khabâka kha ram sũa khan ram bung dang dang a oma Lebanon sũa om a ni zita hi hmun hi Kanan mi irchihai an om ngai a ni. Khasikin Marka hi Greek mi a itina tak chu greek chong hmang greek mihai anga irrêlbol dân hi arngai innat ani sikin, kha ngaidân neimi ani sikin ni a ti tia ngaidân a om a ni.

**2. Surophoiniki ngênna:-** Khan sũa khat chu Jisua le irchutirhai Pathian Thu hril hrangin Jentail ram, Tura le Sidon, hual sũa khan an inzin taka. Tura chu Phoiniki khopui tak a nia, Suria sũa om ani.. Khan kha khua kha an va hroin chu nupang inkhat surophoiniki nupang kha Jisua kuang beidong takin a hong taka, a

a hong thoi taka a keiin a fe thei nok taka. Mari le Marthihai kha an nuchapa thi saitak thoi nôk kha an hmuin asân an lôm tak tak a ni. Kha bâka Juda namhai khan Jisua sin irkhêl tho kha an hmuin asân arkhêl an ti tak tak a ni.

**3. Jisua chu thoinôkna mahruaitu:-** Hi Lazara thi sai tâk a kai thoi hi Jisuan irsinsiana a inentirna tak a nia; taksa chu thi tak khom sianlan Jisua Krista zara kaithoiin a om nôk ngai tin a entirna a ni. Asan chu Jisua Krista khom hi taksa nina anga rammuala zuang a nia; kha mihriam nina a ientirna khan sũa thum zoi kaithoiin a oma, irvâna khan a kêi nôk tak a ni. Khaang khan avuan khom hin eini hai khom hnuai rama ei omsũa hin Pathian thu ei irngaitua murdihai hi iam om takin ei irngaituan in chu nakana ei thi tena khom thoinôkna ei la ichang hrang a ni ti hi ei inhriat hrang a poimo tak tak a ni.

**Changvông:- (John. 11:25).**

**Irdonna:**

1. Elizar hi itina mani ?
2. Lazara farnuhai irhming kha imani kha ?
3. Jisua kha kho hmuna irthokin mo Bethani a pan kha ?
4. Jisuan Lazara thi kha a hmuin chu imo a ti pehai?
5. Mihriamhai hi itin mo thoinokna nai ei ini thei hrang ?



## IRCHULAI - 21

## JISUAN DAMLOI INVÛNG AN DAM

**A thutum :-** *Jisua'n lungkhamna le inrenna an langtir.*

**Tep hrang :-** *(Lk. 14:1-6).*

## THUMAHRUAI

Avuana ei irchu hrang chu Jisuan damloi a indam thu ei irngai hrang a ni. Khan tianlaia khan chu atunlaia Pathian ni ei iti ang hi Juda-hai khan Sabbat ni tiin an lei neia. Khan sabbatni kha asân an lei uarin an lei hmang indik ngai a ni. Kha ni sùn kha an ni khomin Pathian Biak ina fein an hmang ngai a nia, atùn lâia a thoinôk ni hi Pathian ni ei lei ihmang ngai ang hin anni khomin an hmang ngai a ni. Jisua khan hi anga sùn roiinpui nia hin mi damloihai khom a indamhai ani. Khasikin hi thu hi toi sar sarin zu tarlang tum ei ti-

**1. Judahaiin Pathianni an ngai dân:-** Tianlâia Judahai hun lâia khan chu a tunlâia Pathian ni ei tiang hi an ni hun lâia khan chu Sabbatni tiin an lei hmang ngai a ni. Hi sabbatni sùn hi inhrip takin an hmang indik ngaia Pathian Biak inhaia fein irpôl khomna hunhai an hmang ngaia; kha baka an ran le nunghai khom kha ni khan chu ite inthotir ngai mahaia. Khan kha sabbat ni sùn an sêrni sùn khan chu an thil neihai imani tonghai khom sian ite an itho ngai loi a ni. Kha sabbatni khan chu an ni khan inhrip takin an hmang ngaia itinrêng tho hranghai khom tam zap khomsian sintho an iphal ngai loi a ni ti ei inhriat hrang a ni.

**2. Jisua'n sabbatni sùn damloi an dam:-** Khan kha irngamni (sabbatni) ei iti ang khan Farisâi mi inkhatin Jisua hi bu nêk hrangin a fiala. Khan Jisua khom lôm takin a fe taka bunêkna an ikoina hmuna khan Farisâi le dân inhriattu tam tak khom khah hmun-ah khan an oma. Jisua irchutirna danglam inhriat nuama khan, Jisua hin sabbatnia thil aitho murdi kha an enirchik chian taka, dânin a phal le phalloi thua khan Farisai hai kha insunga a omlai takin damloi invûng mi inkhat a kuang a hong; Jisua khan a hmuin chu asân a lunginkhama kha invûng damloipa kha a indam tâk a ni. Khan Jisuan a indam thu kha an hriatin chu Farisai le dân inhriattu

khan kha dan inhriatpuhai kuanga khan vâi takin, “Irngamni-ah mi indam hi arthiang mo irthiang loi mo tiin ardonhai tâk a ni” Khannisian a irdôna kha tutên sam ngam mahaia; an dâi hrek tâk a ni. Khan chu Jisua khan damloi kha a lungkham tak sikin an dama a kein an fetir tâk a ni.

**3. Jisua chu lungkhamna le irngeina sip a ni:-** Jisua sinthona a nei lâia khan a nuna inlâr tak chu Jisua hi lungkhâmtu le inrentu ti hi anlâr ual tak a ni. Khan Jisua hunlâia khan damnohai intak tuangtuhai le damnoa omtuhai kha a hmuin chu a lunginkhamhai tak taka; a changpuihai ngai a ni. Khan an innanghai kha ardonhai ngaia; damnohai mani, an in nangnahai mani, thil dang dang imani an mamohai kha a changpuihai ngai a ni. Khaang khan Jisua lungkhamna hi tutên khêl thei mahaia; Judahaiin sabbat nia saninzôkna hi phal ni maka; khannisian Jisua chu changpuitu in nanghai chu Pathianni khom nisian a changpui ngai a ni. Khaang khan Jisua hi Pathian ni (sabbatni) ei ti anghin mi dang danghai ina fein Pathian Thuhai hrilin midanghai kuang hringna thu a ihril ngai a ni tiin hi taka hin hmu theiin a om a ni.

**Changvong:- Lk. 14 : 3 - 4**

**Irdôna:**

1. Judahai kha isûn hi mo inhrip takin an hmang ngai kha ?
2. Jisua'n irngamni khan i anga damno mo an dam kha ?
3. Jisua hi Sabbat dan insiattu mo a ni ?
4. Sabbat ni hi tuhaiin mo an hmang ngai kha ?
5. Sabbat ni sùn hi itin mo Judahai khan an hmang ngai kha ?

## IRCHULAI - 24

JISUAN BENG SÊT (KUARSÊT)  
CHONGTHEILOI AN DAM

**A thutum :-** *Jisua a roiinpuina inlangtir hrangin rammuala thil omhâi a hmang.*

**Tep hrang :-** *(Mk. 7 : 31-37).*

## THUMAHRUAI

Hapta masa khan ramhuai ichel thurchihai le a dang dang dam no Jisua'n a indamna thurchihai ei insîr taka. khaanga damno thurchi ngêt a vuana eiin sîr hrang chu kuarsêt chongtheiloi thurchi ei irngai hrang a ni. Bêngsêt le chong thei loi damloi hi chu asân antaka inmôl khom an inmôl ngai ani. Khaanga natna nei hai hrangin chu mihai kêra khom inzakna tam tak an tong ngai a nia, mihai hmusitna khom an itong ngai a ni. Kha pa kha thil tinrenga inhrlil hrang khom hi asân an tak ngai a ni. Khaanga mikuarsêt le chongtheiloi jisuan an damna thurchi avuan hin ei insîr hrang ani.

**1. Kuarsêt chongtheiloi pa kha Jisua kuang an hruai:-** Jisua le archutirhai kha hmun dang danga fein mi inrianghai le damnohai ta hranga indamna hrangin chongchaina neiin an fe khom ngai a ni. Khan Galili an iti khua a khan an va lûtin chu mipuihai khom kha an hong pung khôm tâka. Khan kha hmunah an omlai takin mi inkhat damloi kuarsêt le chongtheiloi Jisua kuanga khan an hong hruai taka; Jisua khan kha mi kha mipuihai mit hmu a indamtir kha nuam maka, asan chu mipuihai inbuai kha a nuam no sika khan, kha damloipa kha hmun danga khan a hruai tâk a ni.

Khan chu Jisuan a lu chung a khan a kut irhngatin chongchaina a neia damloipa beng sêng khan a kut le a zu tônepe a michil kha a zu polpea khajoi chu a milei kha a zu tônepe nôka, irvân enin a chongchâi pe taka "*Ephata*" a tia; a omzia tak chu Aramic chongin "*Lei inhong ro*" tina a ni. Khan Jisuan Ephata a tia khan kha pa Bengsêt kha a hong vârpe tâk a ni. Khanchu, a chong theiloina khom kha Jisuan a michil le kha a milei a polpe tak sikin a hong chongthei tâka, khan chu thil tinrêng inhriat theiin a hong iom tâk a ni.

asan a bei an dong tak tak a ni. Kha a natna tuang sika khan sa-beina neiloiiin omsian khom Jisua chu changpui innanghai kha a changpuihai nuam ti an hriat sikin, kha nupangnu kha Jisua kebula inbôk khupin a nainu damno ram irhli iman kha inhnotpai hrangin a ngên tâk a ni.

**3. Jisua'n a ngênna kha a hnôl:-** Jisua kha mi tam tak changpui a nuama. Aniachu, kha nupangnu changpuina zong kha itho sika a ihnôl mani ? Jisua'n "*Naitehai khop masa risehai Naihai bai lâkpaiepa uihai laia pêk chu sa mak*" tiin a sâm tâk a ni. Khan chu Jisua khan Judahaiin Pathian inditna dong masa risehai Judahai dong mana Jentailhai pêk chu sa mak tîna a ni. Khannisian Jisua chu mitin rênghai ta hranga a nia aminôte Judahai a indit bîk mani tiin ngaidan a om a ni. Khannisian Jisua khan hi nupangnu hin a iam tak tak mo iam loi mo tiin fiana hranga a chong inkung kha a ihnôl a ni.

**4. Jisua'n a changpui nôk:-** Khan Surophoiniki hi a bei indong maka Jisua'n khaanga a hrila khan a lungrîla Jisua hi indampu ngêt a ni tiin a iam ngit tak a ni. Khan chu hi nupangnu hin Jisua kuang khan Rengpa ni chu a ni khannisianlan, dokân hnuai bu hmun tâkhai chu ûihaiin khom an fâk ngai mo ni mah tiin a hril taka. Khan chu kha chongbâi sâm kha Jisuan an hriatin chu nupangnu iamindet zia kha a hmu tâka. Jisua khan a izong le a ingênna chu pek hrangin chong a inkung tâk a ni. Khan chu kha nupangnu kha Jisuan ni thu hrilna sikin fên lân ni nainu sênga ram khori om kha a suak ta a tipe tâka. Khan chu kha nu kha a fê tâka in a va tungin chu a nainu kha a sênga ram khori lei iman kha a lei rotpe tâka. Khan chu nupangnu kha lôm takin Pathian kha anpâk tâk a ni.

**Changvong:- Mk. 7 : 28 - 29.**

**Irdônna:**

1. Surophoiniki Nupangnu kha kho hmuna omngai mani ?
2. Jisua kuanga damna hong zongtu kha tumani ?
3. Jisua kuanga khan nupangnu kha itin mo chongbaiin a sâm kha ?
4. Jisuan nupangnu kha ~~itin mo a sâm kha ?~~
5. Surophoiniki kha kho ram sênga om mani ?

## IRCHULAI - 23

JISUAN GERASIN RAMA RAMIRHLI ICHEL  
ANDAM

**A thutum :-** *Jisua chu سوالنا irthoka sansuaktu a ni.*

**Tep hrang :-** *(Mk. 5:1 - 20).*

## THUMAHRUAI

Chong inkhat nangni irdon ki ti. Tu tuh moh ram irhli ichel mihriam hmu tak ? itin mo an om ngai ram irhliin a chelhai hi ? Asan chu avuana ei irchu hrang chu mi ramirhli omna hmuna Jisuan a indam thu ei irngai hrang a ni. Hi ramirhli ichel mi hi a damno dân hi ichi khom a om a, asenin chu hi anga ramirhlihai hi mi khom an ithat ngai a ni. Ram irhle ichelhai chu ama ata kha puan le diar khom bun zot ngai mahai tuihai khom an tônzôt ngailoiiin inzakna rêng rêng an inei ngai loi a ni. Kha anga natna neituhai khom kha Jisua hin a indamhâi a ni.

**1. Gerisin rama ramhuaiin Jisua chubai an mûk:-** Khan Gerasin ti hi Gadara ti le Garana ti hi thuhmun a nia; Galili dil khosak lam Jentailhai omna tianga om ngai a ni. Hi hmuna hin Jisua le archutirhai an va lûtin chu Jisua hi mi inkhatin bok kh-upin chubai a hong mûk taka; kha mi kha ramhuai ichel damno tuangmi a ni. Kha ramhuai mi irhming khom kha *Nuaia* an ti ngai a ni. Khaanga ramhuaihai kha khur le thânhai hin an om ngaia, an hrâtna hai khom eini mihriam hrâtna hin chu ite ei itho thei ngai loi a ni. Kha mi kha tânga a kâi zoro hin ahrâmpe hâi ngaia a Garisin mipa hi ramhnuai hin ardâipui ngâi a ni.

**2. Jisuan ramhuai a inhnotsuak:-** Jisuan hipa hi ramhuaiin a irdaipui a ni ti an hriatin chu damloipa tiang khan a va en taka; Jisua kuang inrang takin Jisua anchung tak Naipa kei le nang kêra imo ei irzomna a om ? ki chung a ite irngai nat loi hrangin nang ki ngên atia; khan chu Jisuan kha pa phîng sûnga ramhuai om kha a

**3. Vok sûnga a lût:-** Khanchu khapa phîng sûnga irthokin a suaka vok sûnga khan an lût nôk taka; vok kha a hong inhrâm tâka an intâna Gerasin kola dil khan an tâk taka, tui kha inhakin an thi ving tâk a ni. Khan chu kha tena chu kha mi pa kha mihriam pangai a hong ni taka a hong dam taka; intiang a fea ni danga irsinsiam nuam ngai loi kha kha ni a irthokin chu satakin tuihai a dôna songkolhai an hngaka mi danghai khan asân arkhel an ti tak taka, khan chu Jisua kha zui hrangin a hong ngên tâk ani. Khannisian Jisua khan lei nuampehai maka Jisua khan ni intiang fenlân ni chung a Rengpa'n thil irkhel a itho kha a lungthungna le a roiiinpuizia kha mihai kuang va hril ro tiin a hril tâk a ni. Khan chu Jisua thu oiiin a fe taka Jisua ihril angin Pathian sintho theizia kha tâng an sampui tâk a ni.

**Changvong:- Mk. 5:19**

**Irdônna:**

1. Garasin rama ramhuaipa kha iamo a om ngai kha ?
2. Ramhuaipa kha khon mo a rot kha ?
3. Garasin kha kho hmuna om mani kha ?
4. Ramhuaipa irhming kha imani kha ?

**SEN RUKNA****THUTHUNG THAR KOIINDANG****IRCHULAI - 26****KOIINDANG OMZIA LE BIBLEIN KOIINDANG A DÂN HRIL**

**A thutum :-** *Pathian zia inlangtirna hmun*

**Tep hrang :-** *(Sintho. 4:11; Rom. 16:13; Ephesi. 4:11-16).*

**THUMAHRUAI**

Avuana ei in sîr hrang chu Koiindang omzia ti a nia; Koiindang le sinthona ti hi sen thei ni maka; asan chu Koiindang hi Pathian mihai lamtuhai ta hranga hlutak le irbôlna tak le om dânsa taka om hranga lei inkung a ni. Khasikin, Koiindang hi mani nuam dân le indit dân ringota inding thei ni maka; Pathiana irthoka inding a ni. Kristian irthoka inpuihlingtira inding hrang a ni. Koiindang hi lamtuhai ta hrangin chu sabeina lian tak le a poimo tak khom a ini hrang a ni. Khasikin, Koiindang hi a poimona le a kâmnangzia hai hi anghin zu tarlang ei ti-

**1. Koiindang omzia:-** Khan Thuthung Luibu a hin Koiindang hril dân hi chongmal inhnin hmu thei a nia; “*qahal*” le “*Edah*” tiin hmang a ni. Hi chongbâi “*qahal*” omzia tak chu “*koi*” tîna a ni. Khan “*Edah*” ti chu “*iruat*” tîna a ni. Hi thumal hmang dânhai enin a chongmal irang no khomsian a thutum le a omzia chu hmun khat angin ahril ani. Israel namhaiin an nam pumpui le irchi mani fe khom le pung khômna an nei a hin ram le nam satna hranga insirsopna le ngaituana nei hranga an irbuk khôm ngâi a ni. Khaang khan, ei thuthung Lui bu a hin chongmal dang angin hmu khom inlân, a omzia tak chu hmun khat anga hril thei ani.

**2. Thuthung Thara Koiindang:-** Thuthung Thara hin “*Ekklesia*” tia hmang a nih, a omzia khom hi “*koisuak*” tîna nget a ni. Hi koisuak ti hi mi tamtak haiin hnol khomhai sian hi hnolna ah

**2. Indamna hi mitinin inhriat a ni:-** Jisua’ n kha bengsêtpa kuanga khan, tute kuang insîrloi hrangin a hril a ni. Khannisian, Jisua sinthôna irkhêlzia kha tute kuang insîr loiin om thei tamaka, a sintho irkhêlzia kha mi tu khom hril loi hranga a iti ni khomsian asintho satna kha a hmu sikin, insîfloiin om thei ta maka, mitin kuang a sinthotheina kha inpuang in aom tâk ani. Khaanga khan Jisua Krista iamna sika hringhai chu an omdâna khom Pathian roiinpuina kha mitinin an hmu thei ngaia, mâni omdânsa le irthianghai khom khan mitinhai mit hmua an hril ngai ani. Mani thurchi insîra sâ irti no khom sian a felzia le vârzia kha inlangtirin om a ta a siamtu kha inhriat maiin kalchôiin a om ngai a ni ti hi a vuana ei thupui a hin anirchuna tak khom a nisa.

**Chângvong : Marka 7:36-37****Irdônna:**

1. Jisua beng sêt chong theiloi kha itin mo an dam kha ?
2. Ephata ti omzia kha imani ?
3. Jisua kha mi indamna hranga khan imo a ihmang?
4. Damnopa kha an dam zoia khan imo hril loi hrangin a tipe kha ?



## IRCHULAI - 25

## JISUA PHÂR SÔM ANDAMHAI

**A thutum :-** *Jisua'n natnasaloi tuanghai khom a lung inkham.*

**Tep hrang :-** *(Lk. 17:11-19).*

## THUMAHRUAI

Avuana ei insir hrang chu phâr natna Jisua'n a indam thu ei irngai hrang a ni. Khaanga, natna neimi chu tianlaia khan khosûnga khom an in omtir ngai loi a ni, khopentiang kêng an siahai ngai a ni. Asan chu kha phâr natna kha ei irkhâithei ngai tiin asan an ichi ngai a ni. Khaanga phâr natna kha atunlai hin chu Aids natna an ti ngai anga mihai khomin an ichi ngai a nia; hianga natna hin a kophâi tâkin chu damna chang hrangin an iamhâi taloi a ni. Khasikin, hi anga natna neituhai ta hrangin chu mi vangduai le mi beidong om tak anni ngaia. Hi natna hi ama mimal ta hrang vaia siat ni ngai maka; a nâi le têhai ten khom a ikopsa ngai a ni sikin ichi om tak natna ani ti roi? Hi anga natna tuangtu hi Jisuan a indam thu ei insir hrang a ni-

**1. Phâr natna:-** Khan hianga phâr natna tungtuhaiin chu damna hmu hrangin sabeina an neita ngailoi ani sikin, hi natna hi asân ichiom tak ania; mani vun le ruhâi ten khom an siat ngai a ni. Khasikin, hianga natna hi mi dang danghai ten khom irkhâi le inkhop thei thil a ni. Hi natna tuangtuhai rêng reng hi khosûnga khom an isia ngai loi a nia, kho pêngtiang siahaiin midanghai le khom an ichong hrang kha an iphal ngai loi a ni. Kha anga natna tuangtuhai chu asâna inrenom le milungsiat om tak tak ania, an sêngkuahai khomin fâk le nêkhai khom ralkhat ata irthokin sepehai an ta an hong fâk le an nêk ngai a ni. Mipui tam takhai khom khan kha anga natna tuangtuhai rêng reng kha chu an irhming khom kha "Irthiangloi" tiin an ikoihai ngai a ni.

**2. Jisuan phâr natna an dam:-** Khan Jisua le archutirhai kha Galili rama khan an va tung tena chu, Jisua kha phâr somhai khan an koia, Jisua kha hla taka irthokin "Irchutirtu lungninkham ro" tiin indamna zong hrangin an lei ngên taka; khanchu Jisua khan

enin asân lung ankhamhai tak taka. Phârhai kha an damhai taka an kuang khan, Ochaihai kuang van entirhai roi a tia; asan chu Juda dâna chu phârnatna ata dam nôktuhai chu ochai kuanga fein an dam nôk ani tiin ochaihai khan lekha an ipêk ngai a ni sikin, kha phârhai kha an fê tâk a ni. Jisua khomin kha damnotuangtuhai kuanga khan; An dam ta ti inhraitirna kha an ochai-hai kuang khan fe hranga a itirhai angin, fein an om taka. Khannisian, Phâr sômhâi kha an damtir hai zoi tena khan chu mi inkhat ringotin Jisua kuanga lomthu hril hrangin a ihong a ni. Mi kuak phârhai kha chu an dam zoihai tena chu lômthu insirna châng khom inhre loiin, an rotsan tâk ani. Aniachu, Samari mi inkhat vaiin Pathian kuang lômthu a hong ihril a ni. Khalaia khan samari mi hi Judahaiin an ien nuam ngai loi a nia; khannisian, a damna sika khan Jisua ke bula hongin abok khupa Jisua kha chubai a imûk tâk a ni.

**3. Lomthu hrilna châng inhreloi:-** Mi kuakhai kha an damno lâia khan chu an beiadonga zoro sôt tak an om hnungin, Jisua'n damna an hmutirhai tena chu an mâksana lômna thu khom hril nuam ual mahai. Idora mihriam ngaituana sual mo an ni ta hrang ? Jisuan mi somkhat nin irthianga nin idam mo ni mah khon mo an om? kuakhai te tiin ardonâ. Hi taka Oze mi vai hi Pathian inpâk hranga zuang kir a ni. Kha phâr damtu kuanga khan; thoi inlan, ni kein fe ta ro; ni iamna'n ni dampui tiin a hril tâk a ni. Hi taka Oze ti omzia chu Juda nam sûnga mi niloi tîna a ni. Khanchu Jisua kuanga lomthu hril loi hai kuakha kha chu demin an om tâk a ni. Khasikin, Pathian kuanga hin nitin le sûtin satvurna a ni indonghai hi Pathian pekpu kuanga hin lomthu hril hi a poimo tak tak a ni.

**Chângvong : Lk. 17 : 17**

**Irdônna:**

1. Jisuan phâr idôr mo an damhai kha ?
2. Damnotuhai kha damna an hmua khan idor hâiin mo Pathian kuang lôm thu an hong hril?
3. Lômthu hong hril loi hai kha idor mo an inih ?
4. Lômthu hong hrilpu kha Jisua'n itin mo a tipe kha ?

## IRCHULAI - 28

## KOIINDANG MIHAI INNUN DÂN

**A thutum :-** *Irngei taka om hi Koiindang nun dân tak a ni.*

**Tep hrang :-** *(Sintho. 2:42; 43; 4:32-34).*

## THUMAHRUAI

Avuanna ei insîr hrang khom hi Koiindang thurchi a ala ni maia; hapta masa khan Koiindang thurchi tângpui ani uala, khan avuana eiinsîr hrang chu koiindang sinhotum hi ani. Koiindang hi mipuihai omna hmun le iamtuhai tâ a ini angin, mipuihai khomin irruai taka Pathian hi Biak irhlom hrang le Thurchi Sa inpuang suak hranga Pathian nuamdân tak a ni. Khabana a mi iamtuhai khomin irruai taka Pathian ipâk theina hrangin a koiindang le Biakinai hi a siam suak a ni.

**1. Koiindang chu sêngkhat a ni:-**Hi taka sêngkua ti hin omdan le mâni nun dân hmunkhata om hrang tâna a ni. Hi sêngkua a hin mani intakna buaina le lungdûkna ei tong lâi khoma lung irngamna tak pêkthei na a ni ti inhriat apoimo a ni. Kha kha eini iamtuhai ta hrangin chu ei chitnalâa khom irbîkna hmun tak khom a ni. Khasikin, Pathian Koiindang phun chu mani nuamna-ah hmang hrang ni loiin, Pathian indit dân le mipuihai le irruai taka om theina hranga siam a ni. Khasikin lung irruai taka irbuk khômna hranga inding bîk a ni. Khaang khan Koiindang a chu chong dang danghai laia omkhôm nisiankhom chong hmunkhat anga leng theina hmun a ni. Khaanga hun hmanga khan koiindanghai nun dik tak le an dingtirtu Pathian nuam dân tak khom a ni sikin, koiindang a mihai khom irruai taka ommai hranga inding ani.

**2. Koiindang masâhai irngeina nun:-** Khan tianlaia Koiindang inding phut laia mihai hring nun kha ei thir velin chu irruai taka Pathian hi an lei biak ngaia, saturna tam tak khom an idong ngai a ni. Khaang khan inkhôm hmun dang danga Pathian biakna siamin le Solomon templehaia khan irbukhômna'n an hmang ngai a ni. Kha hmunhaia khan Pathian kuanga ngaidamna le changpuina hâi neia

Ram Thurchi Sa pomtuhai kuanga hril a ni. khasikin hi taka a chongmal hi “kerek” Rengpa tahai tina ang tiang lak a ni (Ephe. 1:22; Kol. 1:18-24).

**3. Krista taksa:-** Koiindang chu Krista taksa a ni sikin, hmun tina a om tia irngâi a ni (Efesi. 1:23). Khaang dênin, mihriam lungriila khom Krista a om ngêt tia inhriat thei a ni (IKor. 12:27). Krista taksa le irzomna hi ei irhngatna bulpui tak khom a ni. Krista irtha-ah pôltuhai an ni sa a ni (I Kor. 3:16). Pathian chu ama irtha omna hranga irfûkhom a nia (Ephesi. 2:21). Khasikin, Petera'n “lunghring” irtha tianga siam tiin a hril a ni (I Pet. 2:5).

**4. Jerusalem thar:-** Jerusalem hi chu Pathian thuthung milui omna a nia (Gal. 4:26; Heb. 12:22). Khasikin, Koiindang hi ama le ama irpôlkhomna hranga siam a ni. Koiindang hi irnênga Koiindang siam ni khom sian irvan tena om anga inlang a ni. Koiindang hi Thuthung Thara chu iamtuhai sinthotheina hrangin ei mântianga thil om hranga khin tûng ngêt hranga nghaktuhai angin, hi hnuai rama Koiindang indingtuhai hi an ni. Koiindang chu thutak enkoltu nina aneia, Pathian ram enkoltu murdihai irthoka thutaka ngirpui hranga a ni (I Tim. 3:15). Khan hi taka hin Paula'n Koiindang a ihmang khom hi Krista moi tiin a hmang a ni. Koiindang hi Krista nina tak tak inlangtir hranga inding a nia; koiindang hi Krista lungphûm indet tak a ni sikin, thina le intakna a hong tong khomin in hne thei loi hranga indingtir a ni.

## Chângvong : Joh. 8:32

## Irdônna:

1. Thuthung Luia Koiindang chongmal imani kha? ifîna mani.
2. Thuthung Thara Koiindang chongmal kha ichonga lâk mani? A omzia kha imani? Paul'n itinmo koiindang hi a hril.
3. Koiindang hi Krista taksa itin mo a ni theina ?
4. Koiindang hi itho hranga indingsuak mani ?
5. Koiindang hin imo tungna tak a nei ?

## IRCHULAI - 27

## KOIINDANG INDING PHUT DÂN

**A thutum :-** *Koiindang hi Krista inding a ni.*

**Tep hrang :-** *(Mat. 16:18; Sintho. 25:28; Ephesi. 1:22; 23).*

## THUMAHRUAI

Hapta masa khan Koiindang ti hi ei lei hong hril taka; avuan khom hin koiindang hong indingphut dân ei ihril nôk hrang a ni. Koiindang ti chia chongmal hi thuthung miluia chu irhmu maka. Khannisian, a hmangrua chi tam tak hai chu a om a ni. Koiindang hi i hranga inding suaka aiom le a san le imo a kâm nangna takhai ti hai hi ei hmu thei ani. Khaanga khan atûn hin koiindang pathian ta anizia hi zu târinlang eiti-

**1. Koiindang chu Jisua inding:-**Koiindang ti hi Jisua suak mân khan chu laom ngai maka; a damlai hunhai khom khan Koiindang ti hi hmutheiin la om ual mak a ni. Jisua a damlai khan, Petera kuanga khan hi lungpui chungu hin ki Koiindang inding ki ti tiin a hrila. Khannisian, sôtnote sângin a thi nôka; a thoinôk hnunga irvâna a fea; sùn sôm ringa hnunga Penticost nia khan Irtha Irthiang a chûma. Khani irthoka khan Koiindang hi a hong irphut tâk a ni. Khaang khan hong om thiaiin, hnuai rama khom hin Koiindang hi hmun tam taka siamin a hong iom tâk a ni. Atûn ten khom hin einihai lâia khom hin Koiindang roinpui tak takin ei hong nei tâk a ni.

**2. Koiindang a hong suak dân:-**Jisua Krista lei ihril tâk angin, Irtha Irthiang Penticost nia sinthona khan Jisua zuituhai kha asân an lôm tak taka; kha hmun ata kha hmun khata irbuk khômna Pathian an inpâk ngai a ni ti ei hmu theia. Kha an irchun khômna khan Jisua Krista thurchi hi an hril ngaia, pathian Thurchi Sahai inpuang suak hrangin an ihril irhlôma an irbuk ngai a ni. Kha taka irthokin chu mipui tam takhai khom kha inkhômna khan asân a hoi inhriat tîr tirin an hong punga irchuna hmunpui tak a chang tâ ani. Khaang khan, jisua krista thurchi iamtu murdihai kha hong irbukkhôm maiin an hong oma. Inhnung tiang chu mipui an hong

hong inding suak tâk ti'n ei hmu a ni.

**3. Pathian omna hranga inding a ni:-** Khan in tam tak hi ei sina hoi tak takin ei siamngaia, aniachu, eini hranga inhai hi ei siam ngai a ni. Khannisian, hi taka Koiindang hi chu Pathian in hranga siam a nia; iamtuhai hmun khata inkhôm theina hranga inding a ni sikin, Jisua Krista thisena inding suak a ni. Pathian omna hranga inding bîk a ni ti hi hmu theiin a om a ni. Hi hmun le Koiindang hi setana le سوالنا hin hmun chang thei ual no nia; iamtuhai ta hrang bîka a ni sikin, Koiindang tia phua le a hong inding suak a ni. Khan eini taksa rama khom hin insûngkua a hin roizektu tak hi ei nei ngaia nu le pai hai hi an ni. Khaang denin, ei Koiindang khom hin Pathian iamtuhai sungkua anga om a ni sikin, hi taka roizêktu tak le a neitu tak chu Jisua Krista a ni tihi ei inhriat hrang a ni. Khan Koiindang hi Pathian inding a ni sikin, a zêktu tak le ama nuam dân a om hranga hriltu hai sûngkua sûnga hin a iom rak a ni. Khasikin Koiindang hi mani nuam le ninga hmang hrang ni maka, ama nuam dân a hmang hrangin a inuam a ni ti ei inhriat hrang a poimo tak tak a ni.

## Chângvong : Mat. 16:18

## Irdonna:

1. Koiindang hi tu inding mani ?
2. Lungpui chungu khan imo sia hranga aiti? Tu kuanga ti mani?
3. Koiindang hi tuhâi omna hranga inding suak mani ?
4. Koiindang hi ianga hmang hrangin mo indingtirin a i om ?

## IRCHULAI - 30

## KOIINDANG UPA INTHANGNA

**A thutum :-** *Koiindang enkoltu a nang a ni.*

**Tep hrang :-** *(Sint. 6:1-6; I Tim. 3:8-13)*

## THUMAHRUAI

Koiindang sũanga enkol hranga Upa ei inei ngai hi eini nuam le ninga ei siam suak le ei indingtir ni maka; Pathian inthang a ni ti hi ei inhriat hrang a ni. Asan chu hi inthangna khoma hin mipuihai lungrila Pathianin inthang nuamna lungril a pêka, mipuihai khomin an inthang a nia; khasikin Pathian Biak ina sinthotu hrang piala Pathianin a inthang suak a ni. A vuana hin kha anga Koiindanga sinthotu Upahai thurchi ei irngai hrang a ni. A thu hâu toi sar sarin zu tarlang tum ei ti-

**1. Koiindang Upa inthangna bulpui:-** Koiindang upa ei inei ngai hi atunlai huna vai ei itho ni maka, tian reng ata Koiindanga hin inthangna hi a lei iom ngai a ni. Khan (Sinth. 6)-ah khom khan upa kirukhai inthangna thu kha fel takin ei hmu thei a ni. Greek chonga laksuak “*daikonia*” ti hin an hmang ani. A omzia tak chu sum-puan lak lûttu le fâk le nêk lampanga irsinsiamna le enkol hrang bika inthang an ni. Khasikin, hianga mihai hi Koiindang mâichama sinthotu bîk tîna a ni. Jisua irchutihai somkha inhni hai sikin Thurchi Sa hi irzattir a ni sikin, an ni ringotin koiindang tinreng thila enkôl thei an ni no sikin, annihai changpuitu hrangin Koiindang laia mipuihaiin Koiindang dik tak le fel taka an hruai theina hrangin inthang suak an ni ngai a ni. Khasikin, Koiindang upa hrangin mi felna nei le dikna nei mi sari inthang suakin an i om tâk a ni.

**2. Upa sari inthanghai:-** Mipuihai khan tirtônhai ihril angin, lom takin Koiindang enkôl hrang mi iamom tak takhai sari inthangin an om tâk ani. Hi taka inthangai chu-1. Stephana 2. Philipi 3. Prokora 4. Nikanora 5. Timona 6. Permana 7. Nikola -hai hi upa hrangin tirtônhai khan an chung a kut irhngatin upa hrang namindet an hong ni tâk a ni.

Khan hi a chung a Koiindang upa sarihai hin an sin tum tak chu Koiindanga imani intakna le buaina a om khoma hrilfeltu le mihai changpuitu ni hranga a

Khaanga khan hi hmuna hin Pathian Thuhâi irchu'n an nuna hringpui hrangin irchûna an hmang ngai a ni. Kha tak irchûna a irchutihai chu Jisua hnungzuituhai khan satak takin thuhâi an pêk ngai a ni. Jisua thurchi hi irchûna lam pâng a asinthôna tam tak a isinhai le mi a ichangpuina-hai le damnohai damna an changtirhai thu kha koiindanghai lâia khan an ihril ngai a ni. Kha irchutihai irthokin inlâpna satak anhmua, mihai entonrua takin an hong om tâk ani.

**3. Sakrament le an thilneihai irpêk hlomna:-** Khalâi khan Koiindang laia Rengpa zân bu Sakramen hi an sem ngaia; Sakrament chu “*Iropolna irthiang*” a entirna ani. Jisua Krista thina inhriatmaina hranga baihai an fâk sa ngai a ni. Jisua Krista kha chela a om mân viat khom khan “Nin nin hriat maina hrangin hong tho ngai roi” ti thupek kha irbuk khomin an ihriat maina hrangin antho ngai a ni. Kha bâka khan mi iamomhai khan an Koiindang sũanga inriang le invâihai an neinun neihai kha an irchangpui irhlôm ngai a ni. An neinun neihai kha irchutihai kuanga buk khômin, mipuihai innang lam angin an isemhai ngai a ni. Khaang khan Koiindang kha hong irrualin hâina tak neiin mipui tam takhai khan Thurchi Sa kha an hong puang indar tirtir tâk a ni.

**Chângvong : Sinthohai 2:42****Irdônna:**

1. Bai a khoia ti hi a entirna imani ?
2. Rengpa zanbu ti irhming dang anti ngai kha imani?
3. Koiindang nunzia dik tak kha imani ?

**IRCHULAI - 29**  
**KOIINDANG IAMTUHAI MOPHURNA**

**A thutum :- Thurchi Sa hril hi iamtuhai tho tum tak a ni.**

**Tep hrang :- (Mk. 16:14-18; Sinthohai. 1:7;8; 8:4-8).**

**THUMAHRUAI**

Hapta masahai khan Koiindang inding dân le a poimonahai le a hong suak dân thu ei irngai taka; avuan hin chu Koiindanga mihriamhai mophurna thu ei irngai hrang a ni. Koiindang laia iamtuhai mophurna lian tak chu Thurchi Sa hril hi a ni. Khasikin, Jisua'n "Rammual pumpuia fe unglân, Thurchi Sa hi hril roi" ti hi Koiindang laia thupêk lian tak a ni. Kha tak kha Koiindang indingna tak khom a ni sikin, kha anga khan ei ni khom imani rammuala thil tharhai ei man zoroa hin ei loma, mi kôla le nu le pa kôla hril hi einuam ngai a ni. Koiindang hi pathian hmangrua le songkol ani sikin "Ama Thurchi Sa" sin le hril hi a mophurna tak ni.

**1. Koiindang-ah Thurchi Sa hril :-** Iamtu murdihaiin chu Pathian Thurchi Sa hi inthek indartir hrang a ni. Koiindang chu ama thu zômtuhai omna hrang a ni ti ei hril tâka. Khasikin, a tunlâi koiindanga mihai khomin kha sinthona kha a poimo tak tak a ni. Hi hnuai rama hin Biak in le Koiindang tam tak hmun haia, hlasak ringot hi ni maka; mihai kuanga Pathian Thurchi Sa inpuangtu ni hrangin Pathian khomin a ni nuam ani. A ma iamtu dik tak ni hrang le aiamnotuhai kuanga inpuang suak hranga Pathian Koiindang inding ani. Kha kha a mihai a mihai thotum tak khom a ni.

**2. Koiindang laia Thurchi Sa hril:-** Koiindang laia sinthon a poimona tak hi chu Jisua Krista rammuala a zuanga misualhai a nirtana soal irthoka saninzôka ei om hi a ni. Ama hi eini ta hranga a tuarna le a thina khom ani. Khathina khan eini mihriamhai vânram nin fêtir theina a hong chang tâk a ni. Khaanga Thurchi Sa inpuang lanhrelotuhai inhriattirna hrangin thu a ipêk a ni. Khan a thi zoia irvan tiang a kâi nok hrang tôna a khan hi thupek hi a nei a ni.

**3. Thurchi Sa hi rammual pumpuia arfang suak a ni:-** Aphut taka khan chu Jisua iamtuhai tômtê vai an la nia; khannisian, kha mi tômtêhai kha Pathian Irtha khan a changpuihai taka, Thurchi Sa kha a hong irzat tîr tira intakna le dengitheina tam tak tuanghai siankhom rot le hnông loiin, tuangdiar takin Pathian Thu kha an hril maia; Asia ram le Africa ram sûnga leh Europe ram pumpuia koiindang laia Pathian Thu kha arfang suak taka; atuntena chu Krista iamtu le ama sinthotuhai hi hmun dang danga inthek indarin a hong om tâk a ni. Khaang khan, Thurchi Sa a hong pung zêl tâka; mipuihai khom an hong punga, sakhua danghai nek khomin omdânhai a hongsa ual uala, mitin mithmua adikna thuhai kha hmu theiin a om tâk a ni.

**4. Thurchi Sa hril intak:-** Pathian Thurchi Sa inpuang suak hrangin intakna tam tak om khom sian; irtha changpuihai nain hâi takin thurchisa an hrila iamtu thar hai khom anpuang mai tin ei hmu thei ani. Petera le archutirhai khom khan Thurchi Sa inpuanga an irfang laiin, mi tam tak Iamtu thar khom sangthum an inchang thu khom ei bible a hin a hrila. Kha anga Thurchi Sa an inpuang lai khomin intakna tam tak le mihai hnuaisiana tokin an om ngaia, khan khomnisian intaknahai kha mâksanin Pathian Thurchi Sa kha inpuang maiin an irfang mai ngaia. Jisua krista khomin a mihai saninzôkna hrangin intakna tam tak tuangin Krosa hêmbein a om tâk ani. Kha thîna ngêt kha Thurchi Sa sika ani. Kha anga khan ama koinindanga omtuhai hrangin chu rammuala hin dengthei le Martyarin an hringnahai an inchnân ngâi a ni. Khaanga khan, Pathian Thu hrila Martyra fê masa tak khom Stephena hi lunga deng thatin a om thu hai hmu thei ani. Aniachu, a dêngtuhai ta hrangin a la chongchai pehai a ni. Khazoi chu Jakoba hi khandai chêm le sunthatin a om nôk thu ei hmu ani. Thurchi Sa sikin mi tam tak lung ina intangtir le intakna chi tinrêng an tuang lâi khomin Pathian Thu hrilna sin kha masan nimak. khatak kha Koiindanghaiin irzuka rammual pumpuihai lâia hin inthang suak ani. Asan chu koiindang chu iamtu tam takhai thisena inding suak a ni ti hi inhriat hrang a poimo tak tak a ni.

**Chângvong : Matt. 28:19-20**

**Irdônna:**

1. Koiindang sintum lian tak hi imani ?
2. Tu mo Martyr masa tak kha ?

**Chângvong : Rom. 1:16****Irdônna:**

1. Paula irhming omzia imani ?
  2. Paula kha kho khua mi mani ?
  3. Paula kha tu hnuai irchutir mani ?
  4. Paula kha kho hmuna inlarna a dong phut kha ?
  5. Paula irhming dang kha imani kha ?
  6. Thurchi Sa hrilna sik a khan kho zêlina mo an tang kha ?
- 
- 

neipe-hai hrang hi an sintum hrang tak chu a nia; khasikin Koiindang enkoltu hi an omin chu Koiindanghai khomin hlimna le irrualna sa tak a hong chang ngai. Kha bâka an sinthona khan mi tam takin Martyr tenhai khom an hringnahai khan an hong ichang ngai ti'n ei hmu a ni.

**3. Koiindang hruitu a nangzia:-**Koiindang hi chu mipui omkhômna hmun a ni sikin, kaihruaitu hi a om nônu chu hratthei ngai maka, khasikin sinthotu hrang le Pathian Thurchi Sa inpuang dartu hrang hin Koiindang huap sũaga hin hruaitu hi a poimo tak tak ti inhriat ani. Hruaitu hi inthang suak a ni ngaia Khaanga khan koiindang hruaituhai nina hrang khomin namindet anni ngai ani. Khaanga khan pastorhai khom Pathian Thu irchu siara ama rama sintho ngai a ni sikin, an nihai hin namindetna an nei ngai a ni. Khannsian upahai hi chu mani Koiindanga an sinthona hai sintheia hmangin sin antho ngai ani. Pastorhai changpui hrang le irsanpui hrangin Koiindanghai le irrualin Pathian mithmua nam indet an ni ngai a ni ti hi inhriat hrang a ni.

**Chângvong : I Timothe 3:8****Irdônna:**

1. Koiindang upa sari inthanghai irhming kha imanni?
  2. Koiindang upa inthangna san imani?
  3. Koiindang hruaitu hranga inthang bikhai kha tuhai man nih ?
  4. Koiindang upa hi imo a poimona tak ?
- 
-

**SEN SARINA****THUTHUNG THAR IAMTU INLÂRHAI****IRCHULAI - 31****PAULA**

**A thutum :-** *Jisua sintho hrangin dengtheina khomin hun a hmang nuam a ni.*

**Tep hrang :-** *(Sintho. 9:1-6; 13:1-3; 18:9-11' 28:30-31).*

**THUMAHRUAI**

Avuana ei in sîr hrang chu Thurchi Sa sika dengtheina tuangtu thu ei irngai hrang a ni. Hianga Thurchi Sa sika tuangtu mi Paula hi ei Bible a khom hin lekha irziak rôn tak le tam tak irziakin a om a ni. Paula hi mihriam thiam tak le mi vâp tak khom a nia; khannisian, Pathian le an irtok mâna khan chu mihai dengitheitirtu a lei ni ngaia; aniachu, Pathian le an irtok tena chu hmuntina fein Pathian Thu hrilin intakna tam tak a tuang tâk a ni.

**1. Paula omzia:-** Paula ti omzia tak chu “papuite” tîna a ni. Paula hi Tarsis khomi a nia; Hebrai irhmingin chu Saula a ni. Khan Paula ti hi chu Greek irhming a nia; Judahai laia a omin chu Saula an ti ngai a ni. Khan, Gentailhai laia a om nôkin chu Paula irhmingin an koi ngai a ni (Sintho. 13:9). Ama hi Juda laia Benjamin irchi sînga suak a nia; Greek chong hmang khom atheia, Gamalial irchutirna hnuaia seilian a ni. Irchûna tiang chu Hillel University inlârna tak hnuaia, irsâng taka irchûna inhriat inlâr a ni. Paula hi Rom mi nina a neia, asân an ngaiirsâng ngai a ni. Khasikin, Paula hi Staphen lunga dengthat hranga Khan neinun chôitu le indêngtirtu khom khan a changsa a ni (Sintho. 7:58).

**2. Kristianhai deng intheitirtu:-** Khan Jisua a thi hnung khom khan a hnungzuituhai le iamtu dang dang hai an irthekindar hrang mani ti an iama. Khannisian, iamtu Kristian an hong pung sit sit taka; kha khan Judahai kha asân nuam ta mahai; Paula hin Kristianhai chu lung ina khum vinghâi hrangin thupêk a lâk taka; an

a irvak vêl tâk a ni. Khaang khan hmun tam taka fein mi iamtu tam takhai kha an soisakhai taka. Khannisian, Pathian Thu taka iamtuhai kha chel le dengitheina tok an ni sikin, Pathian Ram kha irzattir tirin a om tâk ani.

**3. Paula suak intharna:-** Paula hi Kristian doitu tak a ni sikin, asân an chi ngaia; an hmuin chu mi tam takhai chu Jersusalem a khan an irbîk ngaia; a sen chu hmun danga an rot suak ngai a ni. Khannisian, Paula hin a rottuhai ten khom irzûlhai ngai ani. Sûnkhat chu Damaska khua a Kristian omhai chel hranin Jerusalema irthokin a fe taka; tam tak chelin an om tâk a ni. Khan, Paula kha Damaska khua a tung tînin chungtianga irthokin vâp a zuang suak taka, Paula kha anrîl rak taka, a vâp hrai tak sikin, a mit khan ite hmu thei ta maka; khan chu irvâna irthokin irhâi inring takin a zuang taka “Saula, Saula nangin itho sikin mo deng ni nih intheitir” tiin a hril tak a ni. Paula khan “Rengpa tumo ni ini” tiin ardon. Irhaiin deng ni intheitirtu Jisua ki ni tiin a hril tâk ani. Khan chu Jisua’n thoiinlan khua inkhata khan va fen lan ni itho hrang kha nang hril an ti a tipe taka; Aniachu, a mit a cho tâk sikin, a kôla mihai khan an hruaia; Pathianin khua a fêna hranga itîna khan an va tungpui tâk a ni.

**4. Thurchi Sa hriltu Paula :-** Paula kha Damaska khua an tungpui tena chu Anania Kristian dik tak ina khan an va lûtpui taka. Ama khan Paula chu a mitcho kha a lei indam pe tâk a ni. Khan chu Paula kha a dam tena chu Jisua zuitu a hong ni taka; Kristian hai inkhomna khan an hruai tâka; mi danghai khan asân an lei chi tâka. Khannisian, mihai kôla khan a suakinthar dânhai le a thil tonghai kha mihai kuang a hrilhai taka; asân arkhel an ti tâka; lôm khom an lomtui tak tak a ni. Jisua Krista doitu tak kha inhnung tiang chu Jisua sepai iamom tak a hong ini tak a ni. Khatena chu Antiokei khua Kristian hmunpui tak a khan a va fe taka jisua krista thurchisa ahril tâk ani. Kha hnunga chu Antiokei Koiindanga khan Paula le Barnaba chu hmun tina fea Thurchi Sa inpuang suak hrangin an tir suakhai tak a ni. Khan, Paula le Barnaba hi hmun dang danga le ram bung tam taka fein Thurchi Sa inpuang suakin Koiindanghai an hong inding thiai taka; kha Thurchi Sa inpuangna sikin, midan-

lekha a thonhai kha an tepin chu an Koiindang buaina sika, irrualna hranga lekha thon ti an hmu'n chu asân an loma an Koiindang buaina khom kha an hong irrual nok taka; kha thu kha Paula'n an hriat nôkin chu asân a lom tâka, an chung a lômthu le Pathian khomin an chung a lôm na thu a hril tâk a ni.

**3. Thohlôm irfuangtir:-**Voikhat chu Jerusalema hin châm a tâk taka; fâk le nêk hrang hi asân an tak tâka; Jerusalema om Iamtu hai hi inriang tak an ni ti hi an hriatin chu, Paula hin annihai changpuina hrangin thohlôm irfuang hrangin a ngênhai tâk a ni. Korinth hi Koiindang lian tak a ni sikin, hi hmuna Thohlôm inthotirhai hrangin Tita chu tîrin a om taka; khan chu, Paula hin hmun dang danga changpuina hrangin thohlom kha a choi tâk a ni. Paula le Tita hi zoro sôt tak Pathian Thu hrila chai anni tâk sikin, Tita khom Pathian Thu lama puihling tak a hong ni taka; ama hi mi fel le mi iamom tak ani sikin, Paula khomin a iamzia, an hriat sikin, Koiindang enkôltu Pastor hrangin a iphun tâk a ni. Khan, Tita hi a sinthona hrangin Kret Koiindang hi chombung tuipui lian tak râla om a nia; asân a khua khom hi en a hoia; Koiindang khom lian taka indingin a iom tak a ni. Hi Koiindang a hin Tita hi thi dena iamom taka Pathian Rama sinin a iom tak a nia; an Koiindang mihai khomin an irhngil thei ngai loi a ni. Tit thîna inhriatmaina hrangin January 4th ni sùn hi Tita sùn tiin an hmang ngai a ni. Khasikin, Pathian zuitu le iamtu hai chu mipui le Pathian khomin an inhriat mai ngaia, ti hi taka Tita thurchia hin inhriathei a ni.

### Chângvong : Tita. 3:8

#### Ir donna:

1. Tita irhming omzia imani ?
2. Tita hi kho khua Tholom irfuang hrangin mo a tîr ?

## IRCHULAI - 32

### APOLOVA

**A thutum :-** *Iamtu chu an irdîn ngai*

**Tep hrang :-** *(Tir. 18:24-28; I Kor.1:12; 3:4-6).*

## THUMAHRUAI

Khua lam hla takhai hin ei inzin ngai tak mo ? Ei inzin khomin mani khua le mani inhâi hi ei insâp rak ngai a nia; hmun dang danghaia hin ei oma fâk le nêk tui tak takhai fa khominlan; ei milunghai hi a ihoi tak tak ngai loi a ni. Mani in tiang ringot hin ei lungril ngaituanahai hi a aiom mai ngai ani. Khaang khan a vuan hin mi inkhat mâni khua maksana ram hla taka Pathian Thu hrilin a fea a khua tiang le a intiang khom kir ual nôk ta loi mi inkhat thu ei irngai hrang a ni. Khasikin, satakin lei irngai ei ti-

**1. Apolova khua:-** Apolova khua hi Aigupta hmar lam tianga tuikhanglian irkuang irngamna khopui inkhat Alexandria khua kôl lama om a ni. Alexandria hi irkuang irngamna hmun lian tak a ni. Rammual hmun dang danga irthokin sum dôngna hrangin irkuang a fe ngai a ni. Khasikin, hi Alexendria khua hi sum dôngna lian tak khom a ni. Kha sikin, Israela irthokin sum tam tak fena lampui a ni ngai. Hi taka hin mi inkhat Apolova tia mi inkhat a oma a omzia khom hi “Apolo Pathian ipêk a ni” ama hi mi fîng tak le lekha thei thiam mi tak khom a nia; Pathian Thu oimi le chong dân thiam tak mi khom a ni.

**2. Apolova hi Thurchi Sa a dong:-** Hi Alexendar khua a hin Juda tam tak an om ngaia; sêngkua inkhat a hin lekha thei thiem tak Apolova hi a oma; hi mi hi Pathian Thu le Juda dân khom inhriat mi tak a nisa. Khan Stephana a thi hnunga khan Juda nam niloi Jerusalema Kristiani inthek indarin an om taka; dengintheina an tonga; kha an rotina hmun a khan Jisua thurchi hi an hril ngaia; khan chu Kristian kha an hong pung thiai taka; Apolova khom hi mi tam tak an hong om khom tak a ni.

**3. Ephesi khua a fe:-** Apolova'n Jisua thurchi an hriat tena chu rammual hmun



tak an om ti an inhriatin an laia Thurchi Sa hril hrangin irkuanga a fe taka; Apolova hi lekha thei thiam mi tak khom a ni, bâka thuhrihai khom a theia, Ephesi khua a-ah fe'n Pathian Thu a hril tâk a ni. Mi murdihai kha a thu hril kha irngai an nuam tak taka; kha taka Kristian insungkua fel tak Akuila le Priskili-hai ina an intungtira irpôlkhôma kha asân hoi anti tak tâka. A thu hrilhai khan hlimna le lomna tam tak an changsa ngai a ni.

**4. Korinth khua a a fê nôkna:-** Appolova chu Ephesi-ah irthokin khothang ram hla taka fe'n a om nôk tâka. Akuila ram sũanga khan khopui poimo tak a oma, kha khua kha Korinth khopui a ni. Alexendria anga khopui irkuang irngamna tak a ni sikin, sumdôngna hmunpui poimo tak a ni. Korinth khua hin Pathian Thu an hril ngaia, Juda mi tam tak khom an hong ngai ani, khan Apolova hi asân an hnol ngaia; khannisian, Apolova hi Juda dân le Jisua Krista thu an hriat intam sikin, doi inhne ngai mahai, Jisua Krista an hembe kha Messia zuang nôkna nghâktu an nina thûhai a hril a ni. Khan Korinth mihaiin asân an irngai nuam tak taka; mi tam tak khomin Paula nekin an irngai poimo ual ngai a ni.

Khan voikhat chu Korinth khua hin irsêlna a oma, senkhathaiin “kei hi Paula pôl ki ni” an tia, asenin “keini chu Appolova pôl kini” an ti taka; asen nokin “Petera pôl ki ni” an ti tâk a ni. Khaanga irsêlna lâia khan Paula'n Korinth mihai lekha a thonhai taka; Jisua chu inkhat vai a ni, einihâi khom Krista-ah chu pumkhat ving eini tiin a hril a ni. Tute hi theibik nei loi hrang le en bik nei loi hrangin a ihrilhai tâk a ni. Inhnung tiang chu Paula'n Korinth khua inzinpui hranga a felâi khan Appolova mihai hi irdin tak mi an ni sikin, Korinth mihaiin an irngaisângna thu kha asân an lei ichi tak tak a nia; fe nuam ta mahai; khannisian, a thei dôrin Pathian Thu kha a ihril tâk a ni. A kum hai fethiaiin koiindang ulian Kaisari khua Koiindang hruaitu bisop a hong chang tâk a ni.

### **Chângvong : Sinthohai. 18:28**

#### **Ir donna:**

1. Appolova khua hi imani ?
2. Appolova hin kho khua mo Pathian Thu hril aiphut kha ?
  3. Tuhai ina mo a tung kha ?
  4. Appolova irngaisâng Koiindanghai kha tu Koiindanghai

## **IRCHULAI - 33**

### **TITA**

**A thutum :- Iamtu chu thilsa a tho mai hrang a ni.**

**Tep hrang :- (II Kor. 7:5-7; 13-16; 16-19; Tita. 1:5)**

### **THUMAHRUAI**

Avuana ei irchu hrang chu Paula sinthona-ah changpuitu mifel tak Tita thurchi ei irngai hrang a ni. Paula'n iamna sikin ki nai lungthung tak (Tita. 1:4) tiin a koi a ni. Khan Jentailhai laia sinthona chungchânga Jerusalem Koiindang hruaituhai kuanga khan Paula le Barnaba an fe taka; Tita hin an hruaisa tâk a ni. Khasikin, Paula hin Korinth Koiindanga lekha athon hin Tita irhming hi voikuak vêt a hmang a ni. Korinth khua a hin voi thum vel khom a tirphâk thu khom ei hmu thei a ni-

**1. Tita suak intharna:-** Tianlaia, khan Antiokei khua hin Greek insungkua inkhat an oma; Paula'n ki naipa tia akoî ngâi mifel tak le iamom tak Tita hi a ni. Tita irhming omzia hi “inzâom” tina a ni. Tita hi fel zap khomsian Jisua thurchi hi fel tak le dik takin lanhriat infel maka; asan chu millim biakna ata iamthar a ni sikin, voikhat chu an khua Paula a vanzina; Jisua thurchi a va hrila; Tita khomin asân arngai nuam ngaia; khanchu, Jisua Krista sintho hrangin a irpêk tâk a ni. Khazoia, chu Jisua thurchi insir a nuam tak tak tâka; khan chu hmun dang danga fe'n Paula le Path Thu an hong hril zêlin hmun tam taka, Pathian Thu kha ahong pung tir tir taka; khan chu mi tam tak kha Iamtua siamin an om tâk ani. Kha khêla, Tita hi mi iamom tak a ni sikin, Paula khom hin asân arngaisâng ngai a ni.

**2. Paula'n Korinth khua a tîr:-** Tita hi mi thuhnuaîrôl le mi iamom tak le changpuitu nuam tak mi a ni sikin, thil tam tak inthotir hrang khomin Paul'n a iamzoi ngâi a ni. Khan hi Koiindanga hin Paula a om no hnung chu buaina ahong suak taka; “keima chu ama pol ki ni, nang ni chu ni mak chei tiin an irdoi ngai tâk” a ni. Khannisian, mi senkhathai hin chu iamnotuhai pathian thônâ hmuna hin, an Pathian thônâ thilhâi an ifâk ngai a ni. Kha thuhai

**2. Pastor sinthona:-** Khan William Carey hi zôta insui ngai a ni laiin Pathian Irtha khan a lungrîla sin a zuang thope taka; Jisua Krista kha a hong iam taka; a sinthona kha mâksanin Pathian Thu hril hrangin ram le hmun dang danga arvâk vel tâka. Khaang khan Pathian Thu kha hong hril maiin a oma; inhnung tiang chu Pastor nitna khom a hong chang tâk a ni. Khaang khan a hong omin a toihmunhaia hin rammual pumpuia map enna (Globe)-hai siain Thurchi Sa lan hriat lina ramhaia; asân thurchi Sa hril hi arzuk taka; hrilloi theiloi angin a lungril kha a na pe ngai a ni. Khan chu kha anga a lungril irveina khan Inkhômputi lianhai khan a changa inkhompuaia khan hmun dang danga Missionary tirsuak a nangzia-hai mipuihai kuanga khan a hrila khan chu mipuihai lungril khom asân a hong na taka; khan chu kum 1792 2nd Oct, khan Missionary tirsuaktu pôl inding a hong ni tâk a ni.

**2. William Carey le a rualhai:-** Khan William Carey le a rualhai hin India rama Missionary sintho hrangin an irsiam taka; 11st Nov. 1793-ah khan England ram ata India ram-ah hrangin an hong suak tâk a ni. Khan India ram an hong lûta khan taksa hrilselna kha nei rak loiin an sum le puanhai kha hmang inhek a ni tak sikin, thilsiamna hmuna sinthoa irhlo hrangin an irpêk nôk taka; kha hmuna sin an tholâi takin Bangali le Sanskrit chong khom an ichu mai a ni. Khaang khan an hong thei tena chu chong irchuna school inkhat indingtirin a hong om tâk a ni.

Khan kum 5 (five) years a hongni le chu Serampore hmuna an irthon nôk taka; Missionary minli hong tharhai chu hihai hi an ni Ward Marshman, Daniel, William Grant, -hai hi an ni. Khannisian Daniel le William Grant, chu zoro sôtnote sungin an hong thi taka; Ward Marshman le William Carey hin an sinthona chu suizom zelin an hong om tâk a ni. Kha tena chu an ruaihin nam dang dang le chong dang dangin Bible hi an hong siam suak taka; khabana irchuna school khom hong inding tir tirin Thurchi Sa hrilna hmun tam takhai khom an hong nei thiai taka Missionary tam tak khom tirsuaki a hong om tâk a ni.

**3. Serampore College:-** Atûn ten khin Bible irchuna hmun Serampore College Culcutta hmuna khin a la oma “Serampore trio” an ti ngai a ni. Khi khi India ram sûnga irchuna irsâng a om theina hrang le Koiindang enkolna tianga khom a hrat theina hrangin kum 1818-ah khan hi College hi inding suak a ni. Hi college a hin Arts, Commerce le Science

## SEN RIATNA

### IRCHULAI - 34

#### ROBERT RAIKES

**A thutum :-** *Pathian Thu hi taituana nuna a ni sikin tepa inhriat infel a nang.*

**Tep hrang :-** *(Inpak. 119:129-136)*

#### THUMAHRUAI

Avuana ei irchu hrang chu Pathian thupêk zômto Robert Raikes thurchi ei irngai hrang a ni. Khasikin, tianlai Thuthung Luia khom khan Judahai irthokin Pathian kuanga thilpêk an donga, kha khan an omdân hrang hai khom iamtuhai lâia ama irhngat hrang thuhai a lei ihril ngai ania; khaanga khan naipangtehai khom hi naipang irthoka Pathian Thu tep le irngai hranga hrilhâi anih. Amaanga khan, nu le pahai khomin an naihai sataka Pathian tiang le taksa tiang thila khom irchûna hi asaten anpêk ngai a ni (Duet. 6). Kha anga mi fel le mi iamom tak Robert Raikes thu ei irngâi hrang a ni-

**1. Robert Raikes :-** Robert Raikes hi England ram mi a nia; a omna hmun tak chu Gloucester kua mi a ni. Kum 1735-ah khan a suaka kum 1811 khan a thi a ni. Robert Raikes sinthona tak chu thurchi bu insuat a nia; ama hi mi vâk tak khom a ni sikin a thurchi bu irthokin mi tam tak tepin vârna le inlâpna sa tak an hmu thei a ni. Hi a thu bua hin milung buaina neituhai khom inlapna sa tak hmuin an om ngaia; abikin, Robert Raikes hi naipangtehai laia Thurchi Sa insuaktu masa tak khom a nisa. Robert Raikes hin “Meadow kua” an itîna kua khun naipang tehai nule pa thuzôm nuam loa tam tak ti’ n an hriata. An sintho khom hi irsual le buaina siam hi asân an uara. Kha kua dinghmun sualzia kha lampuia an felâi khomin lunghai le an denghaingai nunchan saloi takin an nun khom an hmang ti an hriata, ama nget khom lungin an lei deng

**2. Meadow khua Robert Raikes a va lêng:-**Kha khua a khan voikhat chu Robert Raikes Pathian ni a hin tukfam sataka irbunin a va leng taka, kha Meadow khua a nâipang tam takhai khan lungtum le hin an lei dênga, a tukfamhai bal chitin, a hmâihai an dêngna khom irdulin a duk zuaka; khannisian, Robert Raikes chu a ning-inmur loiin a pocket a irthokin nâipanghai kha sum a semhaia; kha nâipanghai khan an enin asân a om dan kha arkhêl an ti tak taka; khaanga nun le om dâna khan an nun kha a hîpehai taka; khatena, chu irruaipuihai maiin a oma inkhôm-pui hai hrangin Pathian ni sùn program a hong siam tâk a ni. Khan sùn nôka Pathian ni sùn an zin nôk tena chu naipang tam takhai inkhômna a neipuihai taka, khaanga sunzom maiin, naipang hai nuna khom pathianni hoizia kha an nghâkhmo ngai tâk ani.

**3. Sunday Sikul indingna:-**Khaang khan hong irpôlpuihai maiin naipanghai hrangin Pathianni rikipin mi irchutu minli hruaihaiin kha hmun a khan Pathian Thu irchuna 'n a va hmangpuihai tâk a ni. Khabana, kha hmuna nâipang tam tak Pathian Thu khêla taksa lampanga lekha khom archutirhai taka. Hi taka naipanghai hi mi inriang an ni sikin, an inriangna hin en hmel khom sa rak loi le mi pualoi thuzômna nei loimi an lei ni ngaia, midanghai khomin itea an ibe ngailoi le en irhnuai hai ngai ani. Robert Raikes khomin bal rualhai tiin a ikoihai ngai a ni. Khannisian, Robert Raikes khan ite inzak ti loiin fâk le nêk hranghai khom kha manboiin a siampêhai ngaia. Khanchu, mi sual naipang thu zômnotuhai kha irchûna satak hongpêhaiin inhnung tiang chu irchûna kha an hong pom indeta an hong fel tir tir tâk a ni. Nâipanghai khom kha lôm tak le irthiang takin an hringnun kha an hong hmang tâka. Khatena, chu mihai ta hrangin le mani ta hrang khomin lekha bu sa tak takhai an hong insua taka; a tep murdihai khan kha anga lekha bu satna kha an hong hmu taka. Khan nâipanghai kha an hong puihling tena chu England ram hmun dang danga school angin Pathian nia Bible thu le thurchi Sa dang dang hrilna hrangin an hong inding suak tâk a ni. Khaanga, sinthona hai kha hmun danga danga an hong nei thei taka, India ram sênga khom hin Pathian Thu irchuna hrangin Sunday schoolhai ei hong nei thei tâk a ni. Robert Raikes hi mi poimo tak le mi inzâ om takin a hring nunhai khom a hmang ngai a ni.

### Chângvong : Hebrai. 4:12

#### Irdonna:

1. Robert Raikes omna khua irhming kha imani?
2. Naipang thuzômnotuhai ta hrangin imo atho kha ?
3. Robert Raikes kha ikuma suak le thi mani ?
4. Tu sinthona sikin mo Sunday school inding suak a ni kha ?
5. Naipangtehai kha i anga nun lei nei ngai man ni kha

---

## IRCHULAI - 35

### WILLIAM CAREY

**A thutum :-** *Pathian hranga irpêktuhai chu Pathian sat-vurna an dong ngai.*

**Tep hrang :-** *(Phil. 4 :13; Isaia. 54:2-3)*

### THUMAHRUAI

Avuana ei irchu hrang chu William Carey Serampore College indingtu thurchi ei ihril hrang a nia; khabâka ama hi India rama Bible society indingtu le India ram lekha tep dân le siaminsatna lama sorkar siaminsattu inlâr tak khom a ni. Khasikin, Theological college Pathian Thu irchu theina lampui siam suaktu tak khom a hong nisa a ni.

**1. William Carey:-** William Carey hi England rama kum 1761-ah suak a nia; a pa hi thingtâng khua irchutirtu sintho ngai a ni. Khan William Carey hi a pa school sinna hin kum sôm kum hni ten hi irchu 'n a oma, an insûngkua hi mi intak le irhel an lei hong nina sikin; lekhai khom hi mumal nei raka irchûna lampanga hin nei thei maka. Khan lekha irchu pumin zôta kekôk insui sin khom a tho ngaia. Khannisian, mâni tâimakna zarin nam dang dang chong Hebrai, Latin, Greek, French, Italian, le Dutch chonghai hi a hong theia; India rama a hong khan Bangali le Sanskrit, Marathi le Hindi khom a irchusa a ni. Hi chong namtin chong hmang a hin Bible tam tak a hong irhlet taka; kha tena chu school tam tak khom inhongin a hong oma, midangta hranga irchûna sa le nam dang danghai hrang khoma mi poimo tak a hong ni tâk a ni.

**IRCHULAI - 37**  
**MARY SLESSER**

**A thutum :- *Irngeina siamtu ni a poimozia***

**Tep hrang :-*(I Thiso. 1:1-6; 2:3).***

**THUMAHRUAI**

Mary Slesser hi sêngkua intak tak dinghmun ata seilian a hong nia; a nâipang lâia irthokin;sinthona lama intak tak le rik taka dinghmun hong hmang ngai a ni. Khan Mary Slesser hi a nu chu Pathian chi mi tak a ni sikin, a nu kaihruaiaina zârin kum 1857 a khan Mission Board kuang Missionary hrangin a irpêk tâk a ni. Khaang khan hong om thiaiin; a nun pumpui kha Missionary sinthona tiang a hong hmang mai taka; Khasikin Mary Slesser thu a hin irchu hrang poimo tam tak a oma.Hi ang hin tôi sar sarin zu târinlang tum ei ti-

**1. Mary Slesser naipang hun:-** Mary Slesser hi nâipang fel tak a nia; khannisian, apa Robert slesser hi zuin ngai mi a ni sikin, a poisa khom zu inna khan asân a hmang ngai sikin, an inriang tak taka; khannisian, a nu chu Pathian mi tak a ni sikin, a nu kaihruaina hnuaia khan a om maia;kum 11 (som hleikhat) a hong ni tena chu thil an siamna hmunpuihâia khan sinthoin arhlo ngaia; a zoro kha zing 6 A.M to kholoi 6 PM ten hi sinthonain a hun a hong hmang ngai a ni. Khan ama khan Pathian vai hi irngamna tak a ni ti a iama;a sinthônahâia khom khan Bible chôiin a sintho ôlna rikipa hin Bible hi a tep ngai a ni.


**2. Missionary hranga irpêkna:-** Khan Mary Slesser chu a hong puihling tî rtir tâka; a hong puihlingna angin Koiindang rama khom khan mi iamom tak le hmangrua sa tak a hong chang tâk a ni. Mary Slesser hi sunday school irchutirtu khom a changa; nâipanghai khomin a omdânhai kha an enin asân an indit ngai a ni.Khan ama hin nâipang pualoi hai sunday school fe nuam loihâi hi a zong vêl ngaia; a hruai khômhai ngaia; Pathian Thu kha a hrilpuihai ngai a ni. Kha anga sinthôna suiirzom maiin Africa rama Missionary an innang zia hi an Koiindanga an hriata;kha thuhai kha an hriatin chu Africa rama Mis-

department le Pathian Thu irchuna irkoptirin siam a ni.Hi college hi Denmark rêngin Pathian Thu tiang khom irchuna irsâng neina hrangin inding sùktir a nia; kha sinthona kha India ram pumpui kho roiinpuina hin arfang suak taka; kum 1834-ah khan an sinthona hmuna William Carey chu nitin le sùn tina a ngaituana le mani intaknahai mâksana zoro tinrenga a ngaituana le a lomna tak a sinthopetu a hring sênga Pathian kuanga lungduk omloina rama lôm taka lêng hrangin irngamtirin a hong om tâk a ni.

**Chângvong : Philipi. 4:13**

**Irtonna:**

1. William Carey hi ikuma suak mani ?
2. Tuhaiin mo Serampore college hi an inding suak kha ?
3. Serampore College kha kho hmuna mo a om kha ?
4. William Carey kha India ram a hong man khan isin tho ngai mani ?
5. Willian Carey changpuituhai kha tuhai manni kha ?
6. Itinmo College khi arhming an koi ngai kha ?



**IRCHULAI - 36**  
**ALEXENDAR DUFF**

**A thutum :-** *Ei fngna le vârna hi Rengpan a hmang nuam a ni.*

**Tep hrang :-** *(Hebrai. 11:23-26).*

**THUMAHRUAI**

Vârna le thuneina ei ti hi asân a poimo tak taka; mihriam chu Pathian ata vâp pêk ei nia; khasikin theina a boiin chu thil tho theina hi nei ngai mahai a ni. Theina kêngin rammual hi an vâp thei ngaia; khasikin theina ei ti ngai hi Pathian irthoka ngêt a ni ti hi inhriat hrang a poimo tak tak a ni. Khaang khan itinrêng hi ama ta a nia; eini kristianhai khom kha sâp ram irthokin vârna sa tak a hong suaka; AOB irthoka mihriam irsâng tak dinghmuna indingtirin ei om tâk a ni. Avuan hin kha anga Missionary theina irsâng tak le roiinpui tak thurchi ei irngâi hrang a ni.

**1. Alexendar Duff:-** Tianlai Scotland rama hin ruatharte fel tak le iamom tak lekha thiammi inkhat a oma; arhming khom Alexendar Duff hi a ni. Kum 1806-ah khan Scotland rama khua inkhat Perthshire hin a suaka. Ama hi Pathian chimi insuangkua ata suak a ni sikin, an insûngkua khom lôm tak le hlim taka om ngâi an ni. Alexander Duff hi a nâipangte irthoka lekha thei thiam mi tak a nia; a rualhai kêra khom irsâng mi ual tak khom a nisa ngai. Khaanga hong omin ruatharte a hong ni le chu St. Andrew University- a hin lekha irchuin MA degree a hong zoi taka.

**2. Missionary irpêkna :-** Khan Alexander Duff hi lekha thei thiam mi tak ni khomsian sin dang tho hrang rêng reng hi a milunga hin ompe maka; a hringna pumpui hi Pathian Rama sintho hrang vaiin a irpêk nuam tâk a ni. Khan chu Missionary lei fe masahai kuanga khan ama khom India rama Missionary sina fe hrang khan phalna lekha a zong taka; khan chu Missionary sin a phut mana hin dôngma a nei tâk a ni. Khan chu kum 1830-ah khan India rama sintho hrangin a dôngma le hin irkuanga an hong tâka. Khan an irkuang hongna kha lampuihaia voi hnivêl a hong siatpehai taka; intakna tamtak tuangpumin Pathian hong hruaihaiin India ram Calcutta chu an hong tung tâk a ni.

**3. India rama an sinthôna:-** Alexendar Duff hi India rama

irchuin ram inmôl le ram zînghai a khan sin tho hrang dânhai azonga a hmu suak tâk a ni. India ram hi changkâng le namlian hai khomin Pathian Thurchi Sa hi an inhriatin chu Kristian Iamtu hi hong zap ngêt an ti tihai a hong iam tâk a ni. Khan chu kha thîrna lampui a hong nei tena chu irchûna irsâng tak college an inding taka; kha tena chu zoro sôtnote a hong ni tena chu pasal lekha theimi inkhatin Kristian hrangin a hong irpêk suak taka. Hi taka irchûna irthokin India rama mi inlâr tak tak an hongsuak taka; khannisian, hi hunlâi taka hin India ram chu sâpchai hnuuaia lêng anni sikin, Gen. Governor-hai le khom rual satak anga irualin college indingna hrang khom hin changpuitu sa tak an hong ni tâk a ni. Alexendar Duff hin college a hong inhonga; mipuihai ta hrangin a hlochuk tak taka; India ram khopui hrang hranga hin Kristian College indingin a om tak. Kum 1844-ah hin thurchi bu an suaka, India rama irchûna chungchânga irsâng thu a irziak kha india rama mi thei le mithiamhai le sorkâr khomin asân asa an ti puia; Culcutta hmuna University indingin a om tâk a ni. Khan chu hi College a hin Vice-Chancellor sia hrangin an tum chu a hriselna a asa rak no sikin, sâp ram tiang fe nôkin a om tak a ni.

**4. Missionary sin a tho:-** Alexendar Duff hi a hrisêl loina le a upa nitna hin India ram hi masan nôk khomsian Missionary sin kha a lungrila a la om mai sikin, kum 1851-ah khan Koiindang hruaitu tak Moderator hrangin an inthang nôk taka; Ama hi thuhriil khom thei thiam mi tak a ni sikin, kum 1854-ah khan America le Canada rama an zina Mission sintho poimona hi asân a hril intam ngaia; mipuihai lungrila khom a tônphak ngaia; Missionary tam tak an hong suak tâk a ni. Khan chu thilpêkna tiang khom asân a hong pung tâka; kum 1867-ah khan Theological Chairman a hong chang nôka kum 72 a hong ni hnungin 1878 khan ni tina a sinthona kumtuanga hlimna rama Pathian'n irngamtirin a om tâk a ni. Alexendar hi a thi zoi khomin mitam takin a sintho satzia kha hril mai le irchûna sa takin inpuang suak mai ala nih.

**Chângvong : I Timo. 6:12**

**Irdonna:**

1. Alexendar khua irhming kha imani kha ?
2. I kum a mo India ram a hong lût kha ?
3. Kho ram a mo thuhriil hrangin an zin kha ?
  4. Itik kuma mo Moderator sin a chel kha ?
  5. Kum idor a khan mo a thi kha ?
  6. Alexendar Duff lungril tumna tak kha imani kha ?

asân an tam a ni. Kha an rama mi an inhriat ngai loi hi chu that khom an tum ngai a ni. Kha hmuna tuipui sari mualte a hin sepaihai chang-tiang viat khua a hin an om ngai a ni. Khan kha ramril ual a khan chu fe ngam ngaimahaia; ramsa khom asân an tam ngaia ram kha an hrip tak tak a ni. Khannisian, David Livingston hin kha ram inhrip ram سوالنا hmuna Thurchi sa hril kha a lungrila khan a nuam tak tak a ni. Khan chu kha rama khan David Livingston chu Pathian Thu hril hrangin a fe suak tak a ni.

**3. David Livingston inzinna:-** Khan kha rama khan a fe taka David Livingston omna hrang khan tuipui mualte tianga irthokin mel 500 vela hla khan an siam tak a ni. David Livingston khan a lungrila a irveina tak chu Pathian Thu tute la ihril loina hmuna inpuang suak hi a nia; khan kha hmun a khan kum khat sùng a oma khan mel 2000 lai ramril sùnga anzin phâk taka; David Livingston hi mi inmôl le ramsa angin ramkara khan arfang suak tak a ni. Khan voikhat chu kamkei le khom irsualin an om taka a dara khan a sepe taka; khannisian, hâi takin a bei ngita; khan a rualhai hin arhai inhriatin an hong chongpuia; an hong that tak a ni. Khan chu David Livingston banru le kangru hâi a khiaka. Khan a ha ting raka om kha a hong dam nôka; a sinthona ngeta khan a suak nôk tak a ni. Khan nam inmôl tak nam Nakola hâi omna hmunhai kha a zong suak taka; khan chu a zongvelin kha namhai omna a va tungin chu an lei hmua asan an char a lei dong tâk a ni. Asan chu an ram kha mi duk korong an ni sikin, ama chu mingoi a nia an hmuin asan an char a dong tak a ni. Anni khan kha mi kha irvana irthoka zuang tak ang khan an irngai tak a ni. Khanchu, kha mi en nuam ringok sika khan an lâia khan an inomtir taka; David Livingston khan kha mihai kha lekha archutirhai tak a ni. Khan chu sünkhat chu a chaia, lama afe lâiin an hong irhuala an chela; that hranga hongtu hongdeptu tak kha a lei zêmpehaia; khan chu an ni khan “Hi mi hi zêm chi ni maka; infetir roi” an ti tak a ni.

Khanchu,

kha reng ata suakin rampui uala khan a lût nôk taka; a fena khan rammuala tute la ihmu ngailoi dil lian tak takhai a hmu taka rammuala chentak (victoria falls) roinpui tak an iti khom kha a hmu suak tâk a ni. Khanchu a hmusuakna sika khan David Livingston kha British sorkarin lomna lekha poimo khom a peksa a ni.

**3. Nâipanghai lungthungtu Mary Slessor:-** Khan Mary Slessor hin nâipang irchutirna hi asân a nuama alôm tak tak ngaia; khan nâipang-hai khomin asân an indita a sinthona khom hin mahrip antho ngai a ni. Mary Slessor hin nâipanghai a donsuihaia a lungthunghai sika hin “Nâipang lungthungtu” tiin an koi tâk a ni. Khan hmun dang dang le in dang danga fêin Pathian Thu bâka thil dang dang khom a sirsa ngai a ni. Damnohai khom an damna hrangin a chongchâi pehâi ngaia; hloi le âi hai khom a donsuihâi ngai a ni. Kha anga a felzia kha mi tam takin an inhriatin chu Okon khua rêngin a ram opna khua a khan va pan hrangin a fê tâk a ni. Khan kha khua a va tung tena chu, rêng omna khan nupang tam takhai an hor bûma sâp hmel kha anla hmu ngai no sikin, asân an lei intuaia mi lian ni hrang khan an irhoitir loi a ni. Mary Slessor khan innui pumin nâipanghai kha an khômputihaia; Jisua thurchi le hla kha archutirhaia; kha bana nâipanghai songkol phiar dân le songkol insui dân khom archuhâi ngai a ni. Khan chu rêng khan misual tam tak jail ina intângin a lei ikhumhai khom kha rêng kha arsîra Mary Slessor kuanga khan ngaidam arzung tâk a ni. Khan chu Mery zârin misualhai khom kha insuapaiin an om tâk a ni.

**4. Mary Slessor ram intakna uala a fe nôk:-** Khan Mary Slessor hi a lungrila hin hmun dang dang le intakna tam tak hmunhâia a fe zoi khomin; kha nêka ram intakna ram tute la ifenona hmuna Pathian Thu la hril loina hmunhai khan a fê nuam taka. Khan chu Missionary dang danghai la ifenona hmun hâia fe'n Thu hril hrangin alungril a om sikin, pathian kuang a ngên tâk a ni. Voikhat chu rêng soal omna hmuna hin a zufe taka; rêng khan “sepai le ni zungno sikin, nang ki iam” tiin a lei hrila; satakin a lei inomtir taka; rêng nâinu Emei le khan rual an irchang tâka; kha tena chu rêng khan om mai hrangin a ngên tâka; khannisian, Mary Slessor'n chu kha ramzîng ram kha Pathian Ram inchangtir hrangin hma a lâk mai sikin, ram سوالنا hmun tak nikhomsian, Pathianin a changpuia a lôm tak tak a ni. Khan chu Mery hin school an hong tâka, kha taka khan; hloihâi a semhai ngâia; mipuihai kêra kha anga hong om maiin a changpuihâi ngai a ni. Khaang dênin, atûn tena khom hin hmun dang danga chu Missionary Boarding roinpui takin inhâi an siama Mary Slessor hloi in ti'n an inding a ni.

**5. Irngeina siamtu:-** Africa rama khun rêng hrang hrang an tama; rêng hai kha an irdoia, an irthat tôla; khan Mary Slessor khan kha

thuhâi kha an hriatin chu asân poi a ti tak taka; khan voikhat chu mi pasal hrât tak takhai hi irdoia hrangin ram; panin an lût tum tâka, khahâi kha Mary Slesser in a hmu'n chu thei tôpin irdoi loi hrangin a ngênhai a ni. Kha irdoia hmuna khan Mary Slesser a zu fea inring takin “*Invêthâi angin om no roi; Pathianin irdoi phal ni mak*” ti'n a hrilhâi tâk a ni. Pathian kuang an irngai theina hrang chongchaina a neia; khan chu Pathian roiinpuina a zuang chuma irdoi nuamhai kha an irngam tâk a ni. Khatena, chu rêng kêra khan irmgeina siamtu a chang sikin, British sorkârin Mary Slesser chu Governor hrangin a siam tâk a ni. Arhming khom nâipang lungthungtu kha “ mi murdi neitu ” ti'n an koi ngâi tâk a ni.

### Chângvong : Mat. 5 :9

#### Irdonna:

1. Mery irhminga hloi in an siamna hmun kha kho khua mani ?
2. Mery rualnu reng nâinu irhming kha imani kha ?
3. Mery an koina irhming inhnihâi kha imani kha ?
4. Mery kha Missionary sin a tho mâna khan isintho ngâi

### IRCHULAI - 38 DAVID LIVINGSTON

**A thutum :-** *Nam inmôlna le ram inthimna khom Thurchi Sa a tung a ni.*

**Tep hrang :-**(*Hebrai. 11:13-16*).

#### THUMAHRUAI

A vuana ei insir hrang chu mi inkhat tumna sa tak neitu David Livingston thu a ni. David Livingston hi tumna inthûk tak neitu a nia; Africa rama sintho hranga irpêkin a oma; khan Africa ram pumpui hi ramkâr sênghâia chai irvêlin Missionary sin a tho ngâi a ni. Khasikin Mission sinthotuhai hrang khoma invârtirtu lian tak a ni. Kha ang khan David Livingston hi Pathian Thu a hrilna le a lei irpêkna lama hin hi ang hi zu tarinlang tum ei ti-

**1. David Livingston naipanglâi:-** Khan kum 1813-ah khan Scotlan ram thingtang khua sungkua inriang tak sunga a suak a ni. Khannisian David Livingston hi nu le pa thu ôimi tak a ni sikin, school irchu laia khom school fe pôl tak a nia; khannisian a insungkua dinghmun an tak sikin kum sôm a hong ni a khan a lekha tepna kha suizom thei rak ta maka; puan siamna hmunhaia irhlo isapin sin a tho ngai a ni. Khan kha hmun a khan zing 6 AM a irthokin kholoji 6 PM ten hi kha sinthona khan hlim le lôm takin sin a tho ngai a ni. Khan sinhai a thona khan a lekha buhai khom siain a oma zan tiang sintho a zoi le school hi a fe nôk ngai a ni. Khan, school a chin zoi le hin lekhahai a tep nok ngaia; a taimakna sikin a sinthona le a examhai khom satakin a hong pass mai ngai a ni. Khan kha a poisa neihai le khan hloi (Medicine) lampang tianga irchunahaia hmangin Doctor sinhai archu taka; kha kha archu zoiin chu Pathian Thu irchuna tiang archu nôk tâk a ni.

**2. David Livingston Missionary irpêkna:-** David Livingston hi kum sôm hni (20 years)-ah hong ni tena chu a suak inthar taka; kha a suakinthar ata Africa rama Dr. sinlai tak Dr. Robert Moff thu hril hi arngaia; a lungril a hin a dêng tak taka; Ama khom Africa rama Pathian ram sin tho hrangin a fe suak nok tak a ni. Kha lâia khan Africa ram hi

a ngôhai ngaia. Khaanga mi dukhai hringna kha a inzokhai ngai a ni. Kha anga hmun dang danga inzinin a om sikin a taksa hrisêlna kha hong siatin damnoin a hong om tak a ni. Khan chu David Livingston kha ama don hrang le hruai hrangin mi an hongtir taka; khannisian, Pathian Rama a sintho tum le a itho hrang mabâk tam tak ki nei ti khan fe nuam maka. Khan voikhat chu damloi pumin an zin suaka, an zina a khan a natna kha a hong rikpe sit sit taka; inlôi thei ta loiin ramhnuai a omna hmun a siamin a om tak a ni. Khan chu sunkhat chu a chanpuihaiin an va ena a omna a khan khuksadelin a chongchai rakin a thi tak a ni. David Livingston thina sôn chu May 4th 1873 a khan a thi tak a ni. Africa mihai khan lungkham hrai sikin, ama inhriatmaina hrangin lung khom an phuna a taksa ruak chu England rama an chôia, London rama mi roiinpuina thân hmun a khan Westmister Abbey anti na hmuna an phuma roiinpui takin an intha tâk a ni.

### **Chângvong : Matt. 16:24**

#### **Irdonna:**

1. David Livingston kha ikuma suak mani ?
2. Kum idorin mo a suakinthar kha ?
3. Africa rama mi inmol namhai kha inam man ni ?
4. David Livingston kha idor kuma thi mani kha ?
5. Kho hmuna mo an phum David Livingston kha ?
6. Africa ram a khan kum khat sùng kha mel iza mo an zin kha

